



3. 6. 595











D. GUIDONIS GRANDI

MONACHI CAMALDULENSIS,

ET IN CELEBERRIMA PISANA UNIVERSITATE

Publici Phylosophiæ Professoris

# QUADRATURA CIRCULI, ET HYPERBOLÆ

Per infinitas Hyperbolas, & Parabolas  
Geometricè exhibita

Accessit & Hyperbolæ Dimensio ope Tractoriæ, & innu-  
merarum Parabolarum, Hyperbolarumque Rectificatio,  
et alia complura scitu dignissima de Intensione, de  
Spatorum variorum Mensura, Calculi Diffe-  
rentialis Analyfi, &c.

AD SERENISSIMUM PRINCIPEM  
JOANNEM GASTONEM  
AB ETRURIA.



P I S I S, MDCCIII.

Ex Typographia Francisci Bindi, Impress. Archiepisc.  
*Superiorum Permissu.*

3. 6. 596

ATQ

111111

111111

111111

111111

111111

111111

111111

111111

111111

111111

111111

111111

111111


111111

111111

SERENISSIMO PRINCIPI  
JOANNI GASTONI  
AB ETRURIA  
LIBELLI NUNCUPATIO.

**I** Liber, Etrasci, quò te Spes Altera Regni,  
Et Medicum Stirpis Gloria GASTO vocat.  
Sive illum invenias Natura arcana moventem  
Complecti veteres mente, novosque sophos,  
Sive Syracusii, Pergaeve arte Magistri  
Conica regali ducere signa manu,  
Seu Divina Sacra versantem Dogmata Legis,  
Et Fidei fastos, ac monumenta Patrum;  
Magni Animi Genium pro me venerare, meique  
Obsequii per te Pignus habere jube.  
Hinc memora, ut discant quadrato limite claudì  
Cyclus, & excessus Sectio nomen habens,  
Implicitet innumeras quamvis mensura figuras,  
Non definitis significanda notis.  
Idem Æquus Judex, Moecenas Optimus idem  
Lectò operi laudem, Praesidiumque dabit  
Ejus & Auspiciis tibi mox sperare licebit,  
Et Famã, & quidquid non tuus Auctor habet.

*Ibis ab invidia saltem discrimine purus,  
 Nec, Tanto illustris Nomine, vilis eris,  
 Nam licet hac trāctes, quæ vulgo incognita risū,  
 Contemptumue rudi à plebe referre solent,  
 Atque aliquis te Rhetoricas quadrare Figuras  
 In primo frontis limine crediderit,  
 Tanta sciendarum tenet ignorantia rerum  
 Quos apina, & trice pascere sape solent!  
 Cum tamen à Magno te quis GASTONE probari  
 Audiet, aut tantum promeruisse legi,  
 Nonnihil abiecto sub cortice inesse putabit,  
 Et Pretium Tanti Principis addet Amor.*



# AD LECTOREM

## P R Æ F A T I O.



X omnibus Conicis Sectionibus curva aliqua circumseptis solam Parabolam Magni Archimedis industria ad quadratos, seu rectilineos fines redactam accepimus, id-

que duplici via, quarum postremam jure meritoque inscriberes *Quadraturam Parabola per Infinita Triangula*, eò siquidem rem deducit Divinus ille Geometra, ut Parabolæ spatium Infinite Seriei Triangulorum in quadrupla ratione decrescentium æquale demonstret, adeòque maximi inscripti epitritum renunciet. Iisdem ego vestigiis insistens analogiam hanc promovere, & ad sectiones alias exporrigere olim decreveram, *Hyperbola quidem per infinitas Parabolas, Circuli verò per infinitas Hyperbolas Quadraturam* brevi libello complexus, cui jam

A iij

de-

deservientes tabulæ primæ figuras ære incisas habebam, omniaque prælo parata, ac pænè commissa reliqueram. Cùm ecce, apud Amicum optimum Celeberrimi viri Nic. Mercatoris Logarithmotechniam offendo, meaque de Hyperbola ad infinitas parabolas traducenda cogitationem, quam mihi primò illuxisse credideram, jamque apud amicos invulgaveram; & in qua præcipuum libelli illius nervum constitueram, ab illo jam præoccupatam invenio; Meæ itaque nativitatis moras incusans, de libelli illius editione ferè desperaveram; Amicis nihilominus aliud suadentibus, & methodi, qua hæc demonstraveram, abolitionem penitus non ferentibus, cedendum duxi. actum tamen agere ne viderer, Quod tum mihi palmarium fuerat, & principem libelli locum obtinebat, velut minùs præcipuum habere, & tamquam vulgatum è sua sede in calcem libri detrudere coactus fui (quam non servati incisarum jam figurarum ordinis causam habes) & præterquàm quod præoccupatæ jam Hyperbolicæ Quadraturæ per infinitas Para-

Parabolas, loco aliam mihi propriam, & in Hugenianis præindicatam substitui ope simplicis Tractoriæ facillimè exequendam, quam mihi adhuc integram manere arbitror, nova rursus accessione utramque Circuli, & Hyperbolæ Quadraturam cummulavi, illam etiam ad infinitas parabolas, hanc pariter ad infinitas hyperbolas traducens, ut jam utroque modo utraque sectio dimensionem qualemcunque subiret, largiori etiam deinceps manu in digressiones profusus, brevemque de Curvarum longitudinibus dimetiendis Appendicem adiiciens, ut in tam varia rerum segete certior esse possem, aliquid saltem antea non animadversum à me proponi; quamquam post tot hujus ævi acutissimos Geometras, in argumento præsertim tandiù, et per tot methodos exculto, difficillimum sit non in easdem penitus cogitationes incidere præcessoribus nostris communes, nec ullius tritas vestigiis semitas recalcare. Monuit olim Philosophus 1. *Metheor. tex. 8. Non semel, nec bis, neque raro easdem opiniones re-verti factas in hominibus, sed infinities. De-*

lirium hoc ad suam de mundi æternitate sententiam faciliè consequens, dempta illa infinitatis exaggeratione, Oraculum erit, cujus veritatem & in dies experimur, & fera posteritas cumulatis exemplis aptiùs confirmabit, quandoquidem tot Veterum Phylosophorum sententias hac ætate denuò in lucem assertas videmus, & pro novis propositas, quarum non rudia dumtaxat specimina, sed expressa lineamenta inter antiqua dogmata à Plutarcho, Seneca, Aristotele, aliisque relata frequenter occurrunt, atque integra, ut subspicor, systemata ferè haberemus, nisi illorum phylosophica commentaria nobis Antiquitas invidisset; Licet autem nullum non moveant lapidem Critici, ut Plagiarii notam propterea in ejusmodi Neophylosophos transferant, quasi inventionis gloriam affectaverint, non video tamen quid ob sit, quò minùs & absque prævia Veterum idem sentientium notitia, vel animadversione in eas cogitationes Viri Clarissimi per se venire potuerint, nec faciliè adducar, ut credam, quæ omnium oculis prostant, nec  
ullo



9  
ullo ipsorum artificio aboleri poterant,  
inanis, & paucorum hominum respectu ad  
non ita multos dies victuræ Gloriolæ spe,  
data opera Prudentes Viros dissimulare  
studuisse. Utcunque tamen ea res sit, quæ  
me nullatenus tangit, Certum est, Res Phy-  
losophicas diversis hominum sententiis ob-  
noxias esse, atque ut est hominum varium  
ingenium, diversas plerumque de iisdem  
Naturæ effectibus opiniones variorum men-  
tibus innasci, eorumque geniis arridere,  
quare & difficiliorem esse in his consensum,  
nisi alius ab alio acceperit, & formam,  
quam imitaretur, attenderit, unde illud  
vulgatissimū: *Facilius, quàm inter philosophos,  
inter horologia conveniet.* At in Geometricis  
non facile id modò, sed prorsus necessa-  
rium est, & si integræ Mathematicorum  
diversissimis terrarum locis agentium my-  
riadi [nec enim simul id hominum genus  
habitare solet, sed hac illac spargi] idem  
Problema solvendum proposueris, eadem  
erit quò ad rem ipsam omnium solutio,  
nec fieri poterit, quin multi in methodo,  
& via solutionis ultrò convenient. Innu-

mera

mera sunt, quæ rerum Geometricarum con-  
 templationi incumbens per me ipsum in-  
 veneram, atque inter Adversaria mea re-  
 tuleram; quæ postmodum à Clarissimis  
 Mathematicis dudum animadversa, & pu-  
 blico jam consignata fuisse deprehendi, at-  
 que hæc aut prorsus suppressi, aut si qua  
 occasione in lucem asserui, non dissimu-  
 lavi primorum Auctorum Nomina, iis In-  
 ventionis Gloriam deferens, quos par erat  
 sua sorte gaudere, nec impolterum dissi-  
 mulabo si tale quid ante mearum specula-  
 tionum editionem animadvertere conti-  
 gerit; Qui autem me, & mea norunt, non  
 adeo curram mihi suppetere sciunt rerum  
 ejusmodi suppellectilem, ut ex alieno censu  
 quidpiam corradere indigeam; Otium, &  
 facultates desunt ad propria ledenda, tan-  
 tum abest, ut ab esterorum laboribus mi-  
 hi vindicatis gloriæ expectem. Erupt alia  
 fortasse, tum in hoc, tum in editis ante-  
 hac opusculis nostris, vel in postmodum  
 edendis, quæ vel alii Geometræ præindi-  
 caverint vel plenius fortè illustraverint,  
 neque in his ego palmam ulli aut præripe-  
 re,

re, aut contendere ausim; quidquid ad se pertinere quis putat, ultrò resumat, mihi quam quis voluerit partem relinquat, maximo mihi honori erit: vel cum Clarissimis Viris consensisse, & quas ipsi speculationes è secretioribus Analyticæ thesauris eruerint, è communibus propemodum, atque in omnium usum patentibus Geometriæ promptuariis, mihi derivasse, rerumque abstrusissimarum facillimas demonstrationes ad omnium captum & gustum accomodasse.

Ad omnium captum, inquam, ad omnium gustum; nec me tamen latet, nostra à paucis legi, à plerisque autem vel nimix obscuritatis insimulari, quod potiori jure in hujus libelli conspectu exclamabunt, si vel analytica signa, vel series illæ infinite in oculos incurrent, quibus has paginas non rarò implere coegit Argumenti, quod hic tractamus, natura. Sed spectra sunt hæc trepidantium timore ubi nullus est timor. Quid facilius est, quàm per signum  $+$  additionem quantitatis sequentis intelligere, per signum  $-$  subtractionem, per notam

tam = æqualitatem, per interpunctionem analogifimum, per conjunctionem litterarum ipfarum multiplicationem; per separationem verò, aut interpositionem lineolę, divisionem? Hęc vel vulgaribus Algebriftis fatis sunt familiaria. At differentialis etiam calculi caracterifticam  $dx$ ,  $dy$ , ejusdemque differentiandi, & fummandi modum quandoque inferui; ita eft: utinam in præcedentibus etiam opusculis meis inferere potuiſſem! at tum ejus methodi arcanæ mihi erant impervia, nunc ejus uſu, fructuque perſpecto, quidni inter alias mihi familiares methodos & huic locum facerem? Deinde apertiſſima eſt notarum, ejusmodi ſignificatio, cum nihil niſi ipſius  $x$  vel  $y$  differentiam infinitè parvā ſignificent, calculi autem leges ipſas, ſi attentè introſpexeris, atque hunc tractatum evolveris, data opportunitate expoſitas facile invenies, niſi à Clariff. Hoſpitalio in tractatu de infinitè exiguis illas plenius explicante repetere volueris. Cæterum pauca occurrent, quę alia, quam planę Geometrię Elementorum, & nonnulla Coni-

corum

corum cognitione indigeant, siquæ verò obscuriora manserint, hæc ipsa per saltus transmissa sequentium lectionem, & intelligentiam non morabuntur. Frequentes, quibus indulgeo, digressiones prima vice omittas omnino licebit, ut propositionum ad Quadraturas directè pertinentium filum non abrumpas, secunda autem vice & hisce intelligendis operam non inutilem collocabis, cum res scitu dignissimas, & Geometriæ non solum, verùm etiam Phylosophiæ promovendæ aptissimas contineant, ut aliquando fortasse apertiùs demonstrabo, nisi Lectores mei per sese methodum animadverterint. Quod autem ubique passim præcedentia opuscula mea, supposuerim, & doctrinarum in illis expositarum vestigiis, institerim, id mihi nullo, ut arbitror, vitio verti poterit, jure siquidem Auctori cuilibet permisso usus sum, quo et insequentibus opusculis uti pergam, ad hunc etiam libellum Lectores meos deinceps amandaturus.

Jam nunc antequàm manum è tabula retraham, illud accuratè in ipso opusculi limi-

limine animadvertendum esse decerno, quas hic proposui, & demonstravi, Circuli & Hyperbolæ Quadraturas, non veluti præcisum illum, & absolutum, definitumque horum spatiorum Tetragonismum me dividere, qualem tanto hætenus studio incassum Geometræ quæsierunt, quemve irritò; & ridendo conatu Cusani, Bovilli, Orontii, Scaligeri, Portæ, cæterique id genus Scriptores [ à Mathematici vocabulo Scientiæ ipsius honor hîc abstinere nos jubet ) in se susceperunt, nec illo præsertim sæculo expectandus fuerat, cum Geometriæ tot præsidia deessent, quot postmodum à summis viris ad hujus scientiæ amplificationem excogitata sunt, quibus adhuc, & si maximè abstrusæ veritates Antecessoribus nostris inaccessæ in aperto jam positiæ fuerint, complura tamen addenda supersunt, ad hoc ut Quadraturarum negotium numeris omnibus absolutum sperare possimus. Id autem discriminis interest inter has, & Parabolæ Quadraturam ab Archimede per infinita triangula, ut sub initium monebamus, exhibitam, quod  
-imil
licet

licet tum nostrę, tum Illa Archimedis per  
 infinitā seriem quadrabilium spatiorum  
 procedant, Illa tamen, quum terminis con-  
 tinuē proportionalibus constaret, in unam  
 summam commodē, & expeditē redigi po-  
 tuit, quę præcisam Parabolę Quadratu-  
 ram definiret, nostrę verò non item, sed  
 valores tantummodò quantumvis accura-  
 tos, seu in quęsitam Hyperbolę, & Cir-  
 culi Quantitatem ita convergentes, ut dif-  
 ferentia infra quamlibet datam continuē  
 extenuetur, præbere possunt, sua quidem  
 facilitate, & generalitate commodos, in  
 sua specie perfectos, pulcherrimamque ho-  
 rum spatiorum proprietatem aperientes,  
 atque eo nomine minimē contemnendos,  
 ulteriori tamen circa ejusmodi spatiorum  
 dimensionem inquisitioni aditum non præ-  
 cludentes, cui ut incumbant Geometrę,  
 novis scilicet adhuc incompertis methodis  
 Figurarum quadraturas perficiendo, etiam  
 atque etiam hortamur, cum is demum præ-  
 cipuus Geometrię scopus, hæc meta sit. In-  
 terea, dum non meliora fert Ætas, Hęc  
 damus, *Qua, etiam si abesses utilitas, prop-*  
ter

ter ipsas demonstrationes digna sunt, ut reci-  
 piantur, multa enim alia in mathema-  
 tics disciplinis ob hoc ipsum, & non  
 ob aliquod aliud recipere con-  
 suevimus, ut inquit Apol-  
 lonius Pergæus epist.  
 ad Attalum libro 4.  
 Conicorum præ-  
 fixa. Vale.



**PARS**



# PARS PRIOR

## DE CIRCULO



### PROPOSITIO I.

Fig. 1.

**S**I ratio magnitudinum  $AB$ ,  $BC$  continetur in infinitum ad minores terminos  $CD$ ,  $DE$ ,  $EF$  &c. sitque magnitudo  $AI$  tertia proportionalis post differentiam primæ  $AB$  à secunda  $BC$ , & ipsam primam magnitudinem  $AB$ ,

Dico ipsam  $AI$  æquari aggregato omnium simul infinitarum terminorum  $AB$ ,  $BC$ ,  $DE$  &c.

**P**ost Archimedem in postrema Parabola quadratura id specialiter de ratione quadrupla ostendentem, Primus, quod sciam, id generaliter notavit, ac demonstravit Torricellius de dimens. Parab. lemm. 27. mox Cavallerius in schol. ejusd. lemm. Hinc Gregorius à Sancto Vincentio, Guarinus

2111

B

rinus

rinus, De Chales, aliique variis methodis id comprobantes, quod & nos aliàs fecimus in *Hugenianis cap. 10. n. 3.* ut superfluum videri possit hic quidquam addere, nisi gratam nonnullis futuram sperarem, novam hanc physicam rationem idipsum confirmandi, quam ob methodi varietatem adungere non gravabor.

Ex A, & B eodem temporis momento versùs I moveantur duo mobilia K, L, illud quidem velocitate A B, hoc verò velocitate B C; itaque, ob spatia velocitatibus proportionalia, ubi K pervenerit ad B, utique L reperietur in C, eritque mobilium distantia, non jam A B, sed B C secundus terminus progressionis; similiter ubi K progressum fuerit ad C, L pervenerit ad D, ubi illud ad D, hoc ad E, atque ita deinceps, ita ut semper aliquis ex terminis propositæ progressionis interceptiatur inter utrumque mobile, quousque decrescente infra quamlibet magnitudinē, simul cum ipsis terminis, mobilium distantia, in fine tandem progressionis utriusque mobilis centrum concurrat. Sit punctum  
talis

talis concursus I; ergo magnitudo A I erit aggregatum omnium magnitudinum A B, B C, C D &c. & quia eodem tempore mobile K velocitate A B percurrit A I, & mobile L velocitate B C percurrit B I, erit A I ad I B, ut A B ad B C, & per conversionem rationis, ut A I summa omnium terminorum ad primum terminum A B, ita ipse primus terminus A B ad sui excessum supra secundum B C; Quare si ratio magnitudinum &c. Quod &c.

## SCHOLIION.

**E**X quò inter utrumque mobile ante concursum intercipiatur semper aliquis ex terminis dictæ progressionis, qui multitudine infiniti sunt, deducebat olim Zeno contra Aristotelem, quòd si quælibet continua quantitas in partes minores, ac minores juxta quamlibet proportionem, in infinitum sectilis esset, numquam Aquila Testudinem, unico licet palmo præeuntem, assequi posset: has philosophicas tricas fœlici saltu prætergreditur Geome-

B ij

tria

tria, imò ex hoc Zenonis paralogismo Theorematis hujus longe jucundissimi demonstrationem derivavit, qua & Philosophos docere queat ipsummet temporis, & loci punctum, in quo Aquila ad Testudinem perveniet, si nempe fiat, ut differentia velocitatum Aquilæ, & Testudinis ad majorem Aquilæ velocitatem, ita primum utriusque intervallum  $AB$  ad spatium  $AI$ , & ita tempus, quo Aquila conficiet primum intervallum  $AB$  ad aliud tempus, quo Aquila percurreret totam  $AI$ , & sic Testudinem assequetur; Zenonis enim ratio cinio non conficitur, quòd absolutè numquam Aquila ad Testudinem sit perventura; sed quòd id contingere nequeat infra temporis, ac loci spatium nuper determinatum; Quod enim infiniti sint termini, quid refert? infinite etiam temporis particulæ, non quidem æquales, sed perinde minores, ac minores in infinitum iis percurrendis insumentur, ex quibus tam non est timenda infiniti temporis aggregatio, quàm ab ipsismet infinitis terminis percurrendis non est infinita spatii longitudo

tudo speranda. Vide dicta à nobis, in  
*Hugenianis cap. 4. à num. 7.*

## PROPOSITIO II.

**A** *B eadem prima magnitudine A due infinitæ progressionēs terminorum continuè proportionalium incipiant, prior A, B, C, D, E &c. posterior A, M, N, P &c.*

*Dico, aggregatum ex terminis omnibus prioris ad aggregatum ex omnibus terminis posterioris progressionis esse, ut reciprocè prima differentia posterioris ad primam differentiam prioris seriei.*

$$A_1; B_{\frac{1}{2}}, C_{\frac{1}{4}}, D_{\frac{1}{8}}, E_{\frac{1}{16}}, F_{\frac{1}{32}} \&c.$$

$$A_1; M_{\frac{1}{3}}, N_{\frac{1}{9}}, P_{\frac{1}{27}}, Q_{\frac{1}{81}}, R_{\frac{1}{243}} \&c.$$

**E** *St enim ex prop. 1. series A, B, C, D &c. ad primam magnitudinem A, ut ipsa magnitudo A ad differentiam duarum A, B; ipsa quoque magnitudo A est ad seriem omnium A, M, N, P &c. per eandem pro-*

B iij

posi-

positionem, & convertendo, ut differentia duarum A, M ad magnitudinem A; igitur ex æquo perturbatè, tota series magnitudinum A, B, C, D &c. ad seriem A, M, N, P, &c. est, ut differentia duarum A, M, ad differentiam duarum A, B. Quod erat &c.

## C O R O L L A R I U M.

**O**Mnes itaque series fractionum ab unitate deinceps proportionalium sunt reciproce, ut earundem primæ differentię, nempe series suprascripta A, B &c. ad seriem A, M &c. est, ut duo trientes ad semissem, sive ad duos quadrantes, nempe ut 4 ad 3; & reipsa prima æquatur 2, secunda æquatur 1 cum semisse, per tradita cap. 4. *Hugenianorum num. 8.* et sic in reliquis.

## P R O P O S I T I O III.

Fig. 5.

**E**Sto semicirculus IFK circa diametrum IK, cujus ab altero extremo in alterius extremi tangentem KG (pro nunc diametro major-

maorem) inclinata  $IG$  secet peripheriam in  $H$ ,  
unde ordinetur sinus  $HL$ , fiatque, ut quadratum  
 $GK$  ad quadratum  $KI$ , ita ipsa diameter  
ad  $YN$ , & hæc ad  $1N$ , eadem ratione ad  
infinitos terminos  $2N, 3N, 4N$  &c. prorogata.

Dico, summam ex omnibus horum termino-  
rum differentiis alternè sumptis  $Y 1, 23, 45$  &c.  
aquaalem esse sinui verso  $IL$  intercepti arcus  $IH$ .

**Q**Uoniam proportionalium differentiarum  
omnes continuè sumptæ  $Y 1, 12, 23,$   
 $34$  &c. sunt in eadem ratione proportio-  
nales, eademque interpolatim acceptæ  $Y 1,$   
 $23, 45$  &c. iterum continuè proportionales  
in duplicata priorum ratione, habebimus  
duplicem seriem proportionalium ab eo-  
dem primo termino  $Y 1$  incipientium,  
quare per propof. præced. aggregatum ex om-  
nibus terminis prioris seriei  $Y 1, 12, 23,$   
 $34$  &c. (nempe ipsa  $YN$  his omnibus æqua-  
lis) ad aggregatum ex terminis omnibus  
posterioris seriei  $Y 1, 23, 45$  &c. erit, ut  
differentia duarum  $Y 1, 23$  ad differentiam  
duarum  $Y 1, 12$ , est autem differentia dua-  
rum  $Y 1, 23$  æqualis duabus simul diffe-

rentiis  $Y_1$  ab  $12$ , &  $12$  à  $23$ , igitur ut aggregatum ex duabus differentiis duorum continuè proximorum terminorum ad majorem ejusmodi differentiarum, five, ob analogiam terminorum proportionalium cum suis differentiis, ut aggregatum ex duobus terminis continuè acceptis ad majorem ipsorum, nempe ex constructione, ut duo simul quadrata  $GK$ ,  $KI$ , vel ut unicum quadratum  $GI$  ad quadratū  $GK$ , hoc est ut  $IG$  ad  $GH$ , propter angulum  $IHK$  in semicirculo rectum, ita  $YN$  ad dictā seriem; estque diameter  $IK$  ad eandē  $YN$  ex hypothesi, ut quadratum  $GK$  ad  $KI$ , id est ut  $GH$  ad  $HI$ ; igitur ex æquo perturbatè erit diameter  $IK$  ad posteriorem seriem differentiarum alternè sumptarum  $Y_1, 23, 45$  &c. ut  $IG$  ad  $HI$ , nempe ut eadem  $IK$  ad  $IL$ ; æqualis est ergo ejusmodi series finui verso  $IL$ . Quod &c.

di.imo

#### PROPOSITIO IV.

**I** *Isdem positis ordinetur  $GD$  diametro  $IK$  parallela, æqualis autem ipsi  $IL$ , atque hoc semper fiat, quousque per puncta  $D$ , d sic inven-*



*invenita in qualibet  $gd$  ordinata ad tangentem  $KG$ , transeat curva  $DdSQI$ :*

*Dico, spatium  $DdSQIKG$  ad partes  $G$  infinite extensum duplum esse quadrantis  $IKB$  radio  $IK$  descripti, & singulas portiones  $G D d g$  duplas sectoris correspondentis  $MIm$  iisdem secantibus à centro ad puncta  $G, g$  deductis interceptis.*

**C**oncipiantur enim duæ secantes  $IG$ ,  $Ig$  fieri infinite proximæ, uti & duæ ordinatæ  $GD, gd$ , quomodo spatiolum  $G D d g$  pro rectangulo ex  $GD$  in  $gG$  haberi poterit, nec arcus per has secantes è semicirculo interceptus  $Hb$  à recta ejus tangente, vel subtensa sensibilibiter differet; cum verò rectangula  $G I H, g I b$  eidem quadrato diametri  $IK$ , adeoque & inter se sint æqualia; erit  $GI$  ad  $Ig$ , ut  $Ib$  ad  $I H$ , & triangula  $G I g, b I H$ , communem angulum  $I$  habentia; similia erunt, unde  $Gg$  ad  $Hb$  erit, ut  $GI$  ad  $Ib$ , vel ad minimè comparabiliter differentem  $I H$ , idest ut  $KI$  ad  $IL$ , vel  $MI$  ad  $GD$  per constructionem; est autem  $Hb$  æqualis arcui  $Mm$ ,  
cum

cum sint differentiarum arcuum æqualium,  $MK, HK; mK, bK$ , igitur est  $Gg$  ad  $Mm$ , ut  $MI$  ad  $GD$ , & rectangulum  $DGg$ , idest spatium  $Dd g G$ , æquabitur rectangulo  $IMm$ , seu duplo sectoris  $IMm$ ; quod cum ubique, & semper eveniat, manifestum est, quodvis spatium per duas ad tangentem  $kG$  ordinatas ab hac curva resectum esse duplum sectoris circuli correspondentis, necnon totum spatium  $Dd S Q I K G$  ad partes  $G$  infinite protensum duplum quadrantis  $IBk$ , seu quadruplum semicirculi  $I H k$ . Quod erat &c.

### COROLLARIUM I.

**B**isariam secto angulo  $BIk$  per lineam  $IV$  pariter bisecantem arcum, & sectorem in  $T$ , ordinetur  $VS$ : manifestum est, totum spatium infinite longum  $Dd S V G$  æquale fore quadranti  $BIk$ , utpote duplum sectoris  $BIT$ , quemadmodum & portio  $V S Q I K$  eidem quadranti æqualis erit, ut pote dupla ipsius  $TIK$ .

CO-

## COROLLARIUM II.

27

**O**Rdinata ad axem  $Ik$  recta  $DP$ , erit segmentum  $DSQIP$  quadruplum segmenti  $KbH$ , quia cum sit  $Gk$  ad  $kI$ , ut  $HL$  ad  $IL$ , seu  $GD$ , rectangulum  $kGDP$  æquale erit rectangulo ex  $Ik$  in  $HL$ , five duplum erit trianguli  $kHI$ , spatium autem  $GDSQIk$  duplum est sectoris  $MIk$  *per hanc prop.* residuum ergo spatium  $DSQIP$  duplum erit residui semisegmenti  $MHk$ , five quadruplum segmenti  $k b H$ , vel [ si junctamingas  $IO$  ] quadruplum æqualis segmenti  $IHO$ , nam  $PR$  æqualis  $DG$  æquatur ipsi  $IL$ , &  $HL$  æquatur  $OP$ , & arcus  $IH$  ipsi  $kO$ .

## COROLLARIUM III.

**U**Nde constat, quòd solidum ex spatio  $DSQIkG$  ad partes  $G$  infinitè longo circa asymptoton  $kG$  revolutò æquale est duobus annulis à semicirculo  $kFI$  circa eandem  $kG$  revolutò progenitis, nam rectangulum  $GDPk$  ostensum est æquale  $Ik$  in  $HL$ ,

in  $HL$ , vel  $OP$ , idest æquale duobus  $OPk$ ,  $OPI$  rectangulis, quare cylindrica superficies à recta  $DP$  genita in primo solido æquabitur duabus cylindricis superficiebus ab  $OP$  circa  $Gk$  revoluta, & ab  $HL$  circa  $BI$  rotata descriptis, sive solidum illud infinite longum ex  $DSQIKG$  circa  $KG$  æquabitur annulo ex semicirculo  $IFk$  circa  $Gk$ , & annulo ex eodem circa  $BI$ , sive duobus annulis ab ipso circa eandem  $GK$  rotato progenitis, vel ei, quod ab integro circulo radii  $CK$  circa tangentem  $kG$  revoluta describeretur, solido annulari.

#### COROLLARIUM IV.

**H**Inc si ordinata  $DP$  bisecet radium in  $P$ , erit in ipsa  $DP$  centrum gravitatis spatii totius infinite longi, diametro, asymptoto, & curva  $ISD$  comprehensi, nam ejus centri gravitatis distantia ab asymptoto debet esse subdupla radii, quo distat  $C$  centrum gravitatis circuli ab eadem asymptoto, uti hic circulus equalis est quadranti radio  $BI$  descripto, adeoque subduplus

29

duplus spatii  $DSIKG$  ad partes  $G$  infinite protensi, cum debeant per *Coroll. preced.* sua rotatione circa asymptoton solida æqualia producere.

## COROLLARIUM V.

**S**I aliquam ex curvis per  $V$  transeuntibus, velut  $V44$  concipias esse Hyperbolam Apollonianam asymptotis  $BI$ ,  $IC$  descriptam, erit, ut spatium recta  $VB$ , asymptoto  $BN$ , & curva hyperbolica  $V44$  infinite protensa interiectum ad quadratum  $VBI$ , ita solidum ex spatio  $DSQIKG$  ad partes  $G$  infinite longo circa asymptoton rotato ad cylindrum ex quadrato  $VBI$ , & portio ex dicto spatio hyperbolico versus partes  $V$  resecta per ordinatam in puncto  $L$  asymptoto  $IN$  parallelam, erit ad equè altum rectangulum  $VKL$ , ut solidum ex  $DSQIP$  circa  $IP$  ad cylindrum rectangulo  $BIP$  circa eandem  $IP$  revolutopro-  
genitum, cum sit enim quadratum  $GI$  ad quadratum  $IK$ , ut  $GI$  ad  $IH$ , vel  $KI$  ad  $IL$ , sive ut ordinata per  $L$  ad Hyperbolam  
lam

lam, ipsi  $V\kappa$  parallela, ad  $V\kappa$ , erit dividendo, ut excessus dictæ ordinatæ supra  $V\kappa$  ad ipsam  $V\kappa$ , ita quadratum  $G\kappa$  ad quadratum diametri, vel circulus  $DP$  ad circulum  $BI$ , unde methodo indivisibilium constat propositum, simulque patet, spatium integrum  $DQIKG$  ad partes  $G$  infinitè quidem longum, sed finitæ tamen dimensionis, rotatione sua circa  $IK$  solidum producere verè infinitum, etiamsi per unicum ex minutis decimis dumtaxat converti intelligeretur; quomodo patet veritas penultimi ex illis paradoxis, quæ in præfatione *Vivianeorum Problematum* pag. 2. dudum proposui, cujusque Exemplum non nemo questus erat apud Geometras desiderari, de superficie scilicet finita, quæ si tantillum moveatur solidum procreet verè infinitum: quamquàm id ostendi facile potest locum habere & in hyperbolarum speciebus infinitis qua parte determinatæ sunt quantitatis, si circa eam, quæ applicatis parallela est, asymptoton convertantur, itemque in cissoide circa diametrum circuli genitoris revoluta, &c.

CO-

## COROLLARIUM VI.

31

**Q**Uoniam ostensum est,  $Gg$  differentiam  
 tangentis  $Gk$  ad  $Hb$  differentiam  
 arcus  $IH$  esse, ut  $kI$  ad  $IL$ , additis utro-  
 bique æqualibus rationibus,  $Hb$  ad  $LI$ ,  
 &  $CH$  ad  $HL$ , conficietur ratio  $Gg$  ad  
 $LI$  (differentiam ordinatarum  $DG$ ) æqua-  
 lis compositæ ex  $kI$  ad  $IL$ , &  $HC$  ad  $HL$ ,  
 idest ut dimidium quadrati  $I k$  [ seu re-  
 ctangulum ex  $I k$  in radius  $HC$  ] ad re-  
 ctangulum  $HLI$ , sive ut quadratum radii  
 $HC$  ad triangulum  $HIL$ , ita  $CG$  ad dif-  
 ferentiam ordinatarum  $GD$ , adeoque &  
 subtangens curvę  $Dd$  in asymptoto accepta  
 ad ordinatam  $GD$  in eadem ratione erit;  
 Quapropter illa subtangens erit tertia pro-  
 portionalis post duplam  $HL$  & diame-  
 trum  $Ik$ , sive æquabitur portioni tan-  
 gentis semicirculum in  $H$ , quę in-  
 terciperetur utraq; ad extre-  
 ma diametri tangentem  $kG$ ,  
 $IB$ ; quod aliquando  
 adnotasse pro-  
 fuerit.

SCO.

**Q**Uoniam, tangentis hujus curvę incidit mentio, non ingratum Lectoribus meis futurum arbitror, si paululum ab instituto digrediens generalem methodum inferam determinandę tangentis Infinitarum Curvarum similem descriptionem suscipientium, ut enim in hac curva ordinatę  $GD$ ,  $kI$  reciprocę proportionantur quadratis ramorum  $kI$ ,  $IG$  ab eodem fixo puncto  $I$  ad eadem axis puncta eductorum, sic ubi ordinatarum potestates quęlibet ab exponente  $n$  indicatę vel directę, vel reciprocę proportionarentur ramorum potestatibus per exponentem  $m$  denominatis, infinitę curvę  $DSI$  orirentur, in quarum censum etiam Sectiones Conicę venirent,

generali equatione  $aa + yy^{\frac{m}{n}} = a^m x^n$   
 comprehensę [ intellecta constanti  $I k$  per  $a$ ,  
 $Gk$  per  $y$ ,  $GD$  per  $x$ , & ambiguo signo  $\mp$   
 obtinente superiorem valorem in directę,  
 inferiorem in reciproca potestatum com-  
 paratione ) subtangens verò in asymptoto  
 accep-



accepta semper foret  $\frac{n}{m}$  tertiæ proportion-  
nalis post GK, & GI, idest  $\frac{n \overline{aa} \dagger yy}{m y}$  acci-

pienda quidem supra ordinatam GD in  
eadem asymptoto GK, ubi fuerit compa-  
ratio directa, infra verò talem ordinatam,  
ubi reciproca; semper enim, cùm relatio  
curvæ naturam exprimens invertitur, eadē  
subtangens transit ad partes contrarias, ut  
infinitarum parabolarum, & hyperbolarū  
exemplo, aliisque similibus constare potest.  
Analyticam hujus determinationis demon-  
strationem Leibnitziana methodo sic bre-  
viter habet: differentiando propositā æqua-  
tionem ejusmodi curvarum, elicitur  $dx =$

$$\frac{m y \overline{aa} \dagger yy^{\frac{m-2}{2}} dy}{n a \quad x}$$

quæ reducta juxta valores terminorum ab  
æquatione curvæ desumptos, dat  $dx =$

$$\frac{m y x dy}{n \overline{aa} \dagger yy}$$

C

unde

unde  $\frac{x dy}{dx}$  (valor generalis subtangentis  
in qualibet imaginabili curva) erit in no-  
stro proposito  $= \frac{n}{m} \frac{aa + yy}{y}$ . Quod erat &c.

Itaque in curva hñc adhibita DSQI,  
ubi simplices ordinatę respondent ramo-  
rum quadratis reciprocè sumptis, substan-  
gens  $= \frac{1}{2}$  tertię proportionalis post Gk,  
& GI (quod coincidit cum determina-  
tione *Coroll. 6*, nuper adducta) si quadrata  
ordinatarum responderent ramorum cubis  
esset subtangens  $= \frac{2}{3}$  dicte proportiona-  
lis, & sic deinceps. Ubi ordinatę ipsis ra-  
mis directè proportionales forent, curva  
IQD tota ultra lineam IN se extenderet,  
cui & convexitatem obverteret, esset autē  
nil aliud, quàm hyperbola ordinaria, cu-  
jus centrum K, semitransversus axis kI, &  
huic conjugatus kG; si ordinatę directè  
responderent ramorum quadratis, fieret pa-  
rabola ordinaria circa axem kI supra I pro-  
ductam, cujus latus rectum eadem kI: nam  
supe.

superius adducta generalis æquatio harum  
curvarum in primo casu evaderet  $x =$

$\frac{aa + yy}{2}$ , quæ est æquatio ad hyperbo-  
lam, in casu secundo fieret  $ax = aa + yy$ ,  
quæ est ad parabolam: Itaque tangentes  
ex hoc generali calculo deductas potes cum  
Apollonianis constructionibus comparare.

## SCHOLION II.

Q Uando semel aperta est in diggressio-  
nes via, quid vetat ne in satis obviam  
de intensiõibus contemplationem diver-  
tamur? Summa huc redit, Figuram  
DSQIKG, in hac propositione conside-  
ratam, adhiberi posse pro *Scala Intensionum*  
infinity lineæ KG, per idem irradians pun-  
ctum I lumine collustratæ (voco scilicet  
Scalam Intensionum eam figuram, quæ  
suis ordinatis representat gradus intensio-  
num ejusdem illuminationis in punctis qui-  
bus applicantur) notum est enim, inten-  
sionem in G ad intensiõnem in K esse in,

C ij

du-

duplicata ratione distantiarum  $KI$ ,  $IG$  re-  
 ciprocè sumptarum [ non ea quidem ra-  
 tione, quam *Opticæ lib. 3. prop. 4.* addu-  
 cit Cl. De Chales, nam ibi supponitur ea-  
 dem inclinatio, quæ hîc non servatur,  
 atque ibi ad superficiem, hîc ad simplicem  
 lineam est illuminatio, sed quia decrescit  
 lumen in  $G$ , tum ratione distantie majoris,  
 adeòque in reciproca ratione  $KI$  ad  $IG$ ,  
 tum ratione inclinationis radii  $IG$ , quæ  
 sequitur proportionem sinuum angulorum  
 $IGK$ , & idè ad intensionem perpendicu-  
 laris incidentiæ  $IK$  est rursus, ut  $IK$  ad  
 $IG$ , ob latera sinubus oppositorum angu-  
 lorum proportionalia ) sed &  $IL$ , seu  $GD$   
 ad  $IK$  est in duplicata ratione ipsarum  $IK$ ,  
 $IG$ , quippe ut  $HI$  ad  $IG$ , ergo si linea  
 $IK$  repræsentet maximam perpendicularis  
 radii  $KI$  in vicinissimo puncto  $K$  intensio-  
 nem, linea  $GD$  repræsentabit intensio-  
 nem puncti  $G$  remotioris ab inclinato radio  $IG$   
 causatam, & sic luminis intensio in infi-  
 nita linea  $KG$  decrescet juxta rationem,  
 ordinarum hujus curvæ, quam idè *Sca-*  
*lam* ejus *Intensionis* meritò appellamus.

Hinc

Hinc nova demonstratione physica confirmari posset æqualitas spatii infinitè longi  $DdIKG$ , & cujusvis ejus portionis cum duplo quadrantis, aut sectoris correspondentis, cum enim puncta singula peripheriæ  $KMB$  sint æquè distantia à Luminoso  $I$ , & radiis  $IM$  perpendiculariter occurrentia, eorum intensio ubilibet exponetur per constantem lineam  $IK$ , eritque rectangulum ex ipsa  $IK$  in peripheriam  $KMB$ , vel quâlibet ejus portionē  $MT$ , Scala æqualis intensionis luminis per ipsam diffusi; sunt autem Schalæ intensionum [ ceteris paribus ) ut quantitates Luminis, adeoque cum eadem sit Luminis quantitas, scilicet idem radiorum numerus intra angulum  $GIV$ , tangentis portionem  $GV$ , afficiens, atque illustrans arcum  $MV$  (nec non infinitam  $KG$ , & totum  $kMB$ ) consequens erit, Scalas utriusq; intensionis æquales esse.

Ecce alterum Exemplum, ut methodus illustretur. Semicirculum  $IHFk$ , ejusque diametrum  $Ik$  illustrent paralleli radii, sive à puncto infinitè distito provenientes,  $BI$ ,  $Qbl$ ,  $SFC$ ,  $DOP$ ,  $Gk$  &c. manifestū

est, omne distantiae discrimen evanescere, omnemque adeò intensiōis differentiam, penes variam inclinationem radiorum desumendam esse, cūmq; ad eundem [ sive rectum, sive acutum ) angulum hi radii diametrum afficiant, non sic verò peripheriam  $I H F O K$ , erit æquabilis intensiōis productæ in  $I K$  Scala rectangulum ex ipsa  $I K$  in radium, vel sinum anguli constantis, ad quem radios excipit, Scala verò inæquabilis intensiōis diffusæ per  $I H F O K$  erit factum ex sinubus  $H L$ ,  $F C$ ,  $O P$  &c. applicatis ad respectiva peripheriæ puncta  $H$ ,  $F$ ,  $O$ , quippe quibus proportionantur gradus intensiōis ab inclinatione angulari radiorum, cui correspondent, producti, cūmq; utraque intensio sit ab eadem radiorum quantitate, erunt prædictæ Scales æquales, nec non correspondentes utriusque partes semper æquabuntur, videlicet rectangulum ex radio  $F C$  in  $L P$  æquabitur factō ex omnibus sinubus  $H L$ ,  $F C$ ,  $O P$  erectis super correspondente arcu  $H F O$ .

Quod apprimè consonat his, quæ de Ungulæ Cylindricæ dimensione tum ab aliis,  
tum

tum à nobis *in Vivianeis* sunt demonstrata, idemque aplicari posset cuilibet alteri curvæ  $Vy$ , vel  $V_4$  iisdem radiis interpositæ, modò ad ipsam curvam erigerentur ubique sinus inclinationis radiorum super tangentes punctorum correspondentium.

Similiter si iidem radii paralleli  $BI$ ,  $SF$ ,  $DO$  totam superficiem hemispherii ab  $IHF$  circa  $FC$  geniti illustrare intelligantur, scala intensionis habebitur, complanata hemispherica superficie (modo *in Vivianeis* tradito *in Schol. prop. 3.* ut scilicet semiperipheriæ ex sinuum conversione descriptæ ordinentur arcui  $IHK$  in rectam extenso ad puncta correspondentia) erectisque in singulis punctis  $H$  sinubus  $HL$ , representantibus gradus intensionû correspondentium, unde quoddam solidum resultabit, cujus naturam facile concipies, si complanatam figuram sinuum solius quadrantis  $IHF$  ducas in dictam hemisphericam superficiem expansam subcontrariè positam, intelligesque ejusmodi solidum æquari cylindro, cujus basis eadem, quæ hemispherii, & altitudo æqualis radio  $FC$ , designanti

constantem gradum æquabilis intensiōis resultantis in plano dictæ basis hæmisphærii per eosdem radios illustratæ.

Rursus. Concipiatur lumen in A (*fig. 6.*) per radios à se divergentes illustrare sibi oppositam planam superficiem super B C erectam, nec non sibi concentricam sphericam superficiem B F K, quam æquabili intensiōe ubilibet illuminabit. Cogitemus ergo [libet enim & hujus methodi specimen tyronibus consultò aperire, & si aliunde minimè necessarium in re fatis obvia] luminis conulum scaleum CA  $c$ , cujus basis portiuncula infinitè exigua plani illustrati, ellipsis nimirum, cujus majusculus axis C  $c$ , sitque D  $d$  portiuncula sphericæ superficiæ prædictæ, seu potius circellus infinitè parvus diametri D  $d$ , ejusdem coni lateribus interceptus, cui parallelus alius circulus circa diametrum  $c$  E, portiuncula scilicet alterius sphericæ superficiæ concentricæ, eundem coni angulum subtendentis. Erit ergo intensio in C  $c$  ad intensiōem in D  $d$  reciprocè, ut circulus diametri D  $d$  ad ellipsim majoris axis C  $c$ , idest in ratione

com-



compolita ex rationibus, circuli  $Dd$  ad  
 circulum  $cE$ , & hujus ad dictam ellipſim;  
 quarum rationum prima eſt eadem, quæ  
 quadrati  $DA$ , ſeu  $AB$ , ad quadratum  $AC$ ,  
 ſecunda eadem, quæ  $cE$  ad  $Cc$  [alter enim  
 ellipſeos minor axis æquatur ipſi  $cE$ , vel  
 ab eo non niſi infinitè exiguo ſecundi or-  
 dinis intervallo differt) hoc eſt quæ ruruſ  
 $AB$  ad  $AC$ ; quare intenſio in  $Cc$  ad inten-  
 ſionem in  $Dd$  (vel ad æqualem, quæ in  $B$ )  
 eſt ut cubuſ  $BA$  ad cubum  $CA$ , nempe  
 reciproca cubiſ diſtantiarum.

Hoc intellecto [ *redi ad fig. 5.* ] ſuppo-  
 natur lumen  $I$  eodem modo irradiare in  
 planum ſuper  $kG$  erectum, cùmque ſcia-  
 mus, intenſionum gradus reciprocoſ eſſe,  
 non jam quadratiſ, ſed cubiſ diſtantiarum  
 à puncto lumineſo, fiat curva  $IQSD$ , cu-  
 juſ ordinate  $GD$ ,  $VS$  reciprocæ ſint cubiſ  
 $VI$ ,  $GI$ , eaque circa  $Ik$  revoluta produ-  
 catur ſolidum baſiſ infinitæ, cujuſ radius  
 ipſa aſymptotuſ  $KG$ , eritque ejuſmodi ſo-  
 lidum æquale cylindro, cujuſ baſiſ æque-  
 tur hemiſphericæ ſuperficieſ ex quadrante  
 $B Ik$  genitæ, altitudo verò æqualiſ radio  
 $IK$ ;

$I k$ , idest æquale duplo cylindri ex quadrato  $B k$ , nam solidum illud erit scala intensiōis indefiniti plani circularis ex conversione ipsius  $k G$  progeniti, ille verò cylindrus scala æquabilis intensiōis ab eadem radiorum quantitate in hemisphericam superficiem ex quadrante  $K M B$  genitam traductę.

Denique lumen in  $I$  existens irradiet in superficiem sphericam  $I H O k$ , erunt intensiōes reciprocæ simplicibus distantiiis à luminoso, nam intensiō in portiuncula  $M m$  superficiēi concentricę  $B k$  ad intensiōem portiunculę  $H b$  superficiēi primò propositę est reciprocę, ut extensiō huius ad extensiōem illius, nempe, ut ellipsis diametri  $H b$  intra conum luminis  $M I m$  conclusa ad circulum æqualis diametri  $M m$  (sunt enim hæ diametri ipsę differentię æqualium arcuum  $H k$ ,  $M k$ ) videlicet ut alter axis ejusdem ellipseos priori conjugatus ad diametrum  $M m$ , siue ut  $H I$  ad  $I M$ , quare etiam intensiō in  $K$  ad intensiōem in  $H$  erit, ut  $H I$  ad  $I k$ , vel ut  $I K$  ad  $I G$ , quare Scala intensiōis æquabilis sphericę

ricæ superficiei concentricæ  $B M k$  existente cylindro, basim habente eandem hemisphericam superficiem complanatam, & altitudinem radio  $IK$  æqualem, scala intensificationis sphericę superficiei  $I H k$  erit solidum proveniens ex hac ipsa superficie in planum redacta, erectis ubique ad puncta  $H$  altitudinibus secantium  $IG$ , atque hoc solidum eidem cylindro æquale idcirco probabitur, &c.

Habes hîc, ut arbitror, quo totum physicomathematicum de Intensione argumentum [ aliasque similes materias per methodi imitationem ) vel illustrare, vel reformare possis, nec ad arduas Geometriæ veritates scandere ejusmodi scalarum adminiculo tibi inutile fuerit, modò à præcipitiis tibi caveas.

## PROPOSITIO V.

**P**er punctum  $V$  quadrati  $B I K V$  inter communes asymptotos  $BI$ ,  $IK$  transeant infinite hyperbolæ  $V y T$ ,  $V_1 1$ ,  $V_2 2$ ,  $V_3 3$  &c. quarum ordinatæ ad alteram asymptoton  $IBN$  respon-

respondeant potestatibus abscissarum à centro  $I$  per singulos deinceps pares numeros denominatis, videlicet, ut quadratum  $NI$  ad quadratum  $BI$ , ita sit  $BV$  ad  $YN$ , & ut biquadratum  $NI$  ad biquadratum  $BI$ , ita rursus  $BV$  ad  $1N$ , itemque ut sexta potestas  $NI$  ad similem  $BI$ , ita  $BV$  ad  $2N$ , atque ita porro.

Dico, Circulum diametri  $KI$  aequalem esse omnibus simul hyperbolicis spatiis  $YyV_1 1$ ,  $2 2 V_3 3$ ,  $4 4 V_5 5$  &c. idest differentiis alternè sumptis dictarum hyperbolarum.

**M**Anifestum est enim, lineas  $1k$ , seu  $BV$ , &  $YN$ ,  $1N$ ,  $2N$ ,  $3N$  &c. esse continuè proportionales in ratione quadrati  $NI$ , ad  $IB$ , seu  $GK$  ad  $kI$ , nam ejusmodi posita fuit proportio primæ ad secundam, primæ verò ad tertiam duplicata, ad quartam triplicata, ad quintam quadruplicata prioris, ob indices potestatum abscissarum, quibus respondent, per eandem binarii differentiam arithmeticè crescentes, ergo per *propof. 3.* erit ubilibet sinus versus  $IL$  arcus correspondentis  $IH$ , vel ipsamet  $GD$  ordinata ad curvam  $DSQI$ , de qua in *prop. 4.*  
æqua-

æqualis omnibus simul proportionalium  
 ejusmodi differentiis alternè sumptis  $Y\ 1,$   
 $2\ 3,$   $4\ 5$  &c. & hoc semper: quare totum  
 spatium  $DSVG$  ex prædicta curva ad par-  
 tes  $DG$  infinitè longum æquabitur omni-  
 bus numero, & longitudine infinitis hyper-  
 bolarum differentiis alternis  $Y\ y\ V\ 1\ 1,$   
 $2\ 2\ V\ 3\ 3,$   $4\ 4\ V\ 5\ 5$  &c. quare cùm *per*  
*coroll. 1. prop. 4.* quadrans  $BkI$ , seu Cir-  
 culus diametri  $Ik$  sit æqualis spatio infini-  
 tè longo  $DSVG$ , æquabitur dictus Circu-  
 lus propositis hyperbolicis differentiis.  
 Quod erat &c.

### COROLLARIUM I.

**I**dem obtinet de partibus, quod nempe  
 infinitæ portiones ex iisdem supra desi-  
 gnatis hyperbolarum differentiis, putà  
 $Y\ y\ 1\ 1,$   $2\ 2\ 3\ 3,$   $4\ 4\ 5$  &c. æquales sint  
 spatio  $GgdD$ , seu duplo sectoris correspon-  
 dentis  $MIm$ .

### COROLLARIUM II.

**C**umque tum integrà illa hyperbolica  
 spatia sint quadrabilia ex generali do-  
 ctrina

Strina, quam dedimus in *Hugenianis* cap. 8, n. 11. tum quælibet eorum portiones sint propterea notæ dimensionis, erunt & integrorum, & partium differentia nota rectangulo æquales, unde & circuli, & sectoris cujuslibet quantumvis vero proxima quadratura, & dimensio geometricè innotescet; quod ampliùs sequenti propositione manifestum fiet,

## P R O P O S I T I O VI.

**Q**uadrato diametri Circuli existente 1. erit ipse Circulus =

$$1 - \frac{1}{3} + \frac{1}{5} - \frac{1}{7} + \frac{1}{9} - \frac{1}{11} + \frac{1}{13} \text{ \&c.}$$

*alternatim additis, detractisque singulis fractionibus, quibus unitas per impares numeros ex ordine acceptos denominatur,*

**H**Æc est celeberrima Summi Geometræ Leibnitzii Quadratura, quæ ex positis principiis sic brevissimè ostenditur: Per dicta loco citato *Hagenianorum* quodlibet hyperbolicum spatium est inscripti rectanguli

guli, idest in proposito quadrati  $V B I K$ ,  
 talis pars, qualem designat fractio  $\frac{x}{y-x}$ ,

exprimente  $x$  gradum ordinatarum [qui  
 hic est unitas] &  $y$  gradum abscissarum  
 (qui est quilibet par 2. 4. 6. 8. &c.) adeoque  
 primum hyperbolicum spatium est:  $\frac{1}{2}$ ,

secundum  $\frac{1}{3}$ , tertium  $\frac{1}{4}$ , &c. ita  
 deinceps, nempe  $\frac{1}{5}$ ,  $\frac{1}{6}$ ,  $\frac{1}{7}$ ,  $\frac{1}{8}$ ,  $\frac{1}{9}$ ,  $\frac{1}{10}$ , &c.

Circulus ergo, qui per prop. preced. equatur  
 differentiis dictorum spatiorum, posito  
 quadrato diametri  $I k$  pro unitate, fiet  
 æqualis  $1 - \frac{1}{3}, + \frac{1}{5} - \frac{1}{7}, + \frac{1}{9} - \frac{1}{11}$  &c.

Quod erat demonstrandum.

## SCHOLION. I.

**A** Nalyticè id totum sic expediri poterat. Posita diametro  $I k = a$ , & indeterminata  $G k = x$ , erit  $G D$  ordinata ad curvam  $DSQI$ , de qua in prop. 4 =  $\frac{a^3}{xx + aa}$  idest per doctrinam expositam in  
 Hugen.

*Hugenianis capite 10. numero 5. æqualis*

$$\frac{a^3}{xx} - \frac{a^5}{x^4} + \frac{a^7}{x^6} - \frac{a^9}{x^8} + \frac{a^{11}}{x^{10}} \&c.$$

Sunt autem hæ ipsæ expressiones ordinatarû ad infinitas hyperbolas, quarum gradus in abscissis crescant juxta numeros pares, ut constat; quælibet ergo ordinata *GD* æquivalēbit differentiis ordinatarum ad infinitas illas hyperbolas, adeoque & spatium figuræ ab hac curva *DSQI* comprehensę idest sector. circuli correspondens, æquabitur infinitis differentiis prædictarum hyperbolarum; seu differentiis fractionum per impares numeros denominatarum, taxato valore ipsius *aa* pro unitate; Quod est propositum.

## SCHOLION II.

**S**ic instituto meo Circulum *per Infinitas Hyperbolas* Quadrandi satisfecisse me arbitror; superest, ut idem *per Infinitas Parabolas* moliri aggrediar; quod tamen longè compendiosius exequi dabitur.

PRO.



## PROPOSITIO VII.

**S**I fiat (Fig. 7.), ut quadratum diametri  $I k$  ad quadratum tangentis  $k G$  [ diametro jam minoris ] ita ipsa diameter, vel ei equalis  $Y G$  ad  $1 G$ , & hac ad  $2 G$ , eadem ratione ad infinitos terminos  $3 G$ ,  $4 G$ ,  $5 G$  &c. prorogata.

Dico, summam ex omnibus horum terminorum differentiis alternè sumptis  $Y 1$ ,  $23$ ,  $45$  &c. aequales esse sinui verso  $IL$  arcus  $I H$  per secantem  $I G$  intercepti.

**H**OC probabitur ut in prop. 3. (loco  $Y N$  legendo  $Y G$ ) usque ad verba vel ut anticum quadratum  $G I$  ad quadratum  $G k$ , pro quibus sic proseguere: vel ut unicum quadratum  $G I$  ad quadratum  $I k$ , nempe ut  $G I$  ad  $I H$ , vel  $k I$  ad  $IL$ , ita  $Y G$  ad feriem ejusmodi differentiarum alternè sumptarum; est autem  $K I$  æqualis  $Y G$  ex hypothesis, igitur &  $IL$  prædictis omnibus simul differentiis æquatur. Quod erat &c.

## COROLLARIUM I.

**E**Adem constructione facta ad singula puncta  $G$  tangentis  $Vk$ , manifestum est, lineas  $YG$  completuras quadratum  $Vkib$ , et lineas  $G1$  trilineum parabolæ quadraticæ  $b1K$ , lineas autem  $G2$  trilineum parabolæ biquadraticæ  $b2K$ , & lineas  $G3$  similiter esse ad parabolam quadrato cubicam, atque ita deinceps reliquas esse ad altiores parabolas, quarum dignitates  $VK$ ,  $Gk$  omnibus ex ordine paribus numeris denominantur, sic enim prorogatur ad infinitos terminos proportio  $YG$  ad  $1G$ , quæ ab initio posita fuit duplicata ipsius  $Vk$  ad  $kG$ .

## COROLLARIUM II.

**Q**Uoniam ergo ordinata  $GD$  ad curvam  $IDS$  *prop. 3.* descriptam æquatur semper sinui verso correspondenti  $IL$ , manifestum est, ipsam quoque  $GD$  æquari prædictis proportionalium differentiis alternè sumptis, adeoque & spatium  $VSDI$  k æquare  
ri spa-

51

ri spatio parabolico  $b_1 k i$ , & parabolicis  
lunulis  $b_2 k_3 b$ ,  $b_4 k_5 b$  &c.

### COROLLARIUM III.

**E**X quo ubique  $YG - 1G + 2G - 3G$   
 $+ 4G - 5G$  &c. æquetur ordinatæ  $GD$ ,  
constat, etiam  $bV - bV + bV - bV + bV$   
 $- bV$  &c. æquari  $VS$ , idest eandem lineam  
infinities positam, & infinities subtractam  
relinquere sui medietatem.

### PROPOSITIO VIII.

**Q**uadraturam Circuli prop. 6. propositam,  
iterum per Infinitas Parabolas demonstrare.

**E**st enim circulus circa diametrum  $Ik$ ,  
vel quadrans  $kMB$ , per Coroll. 1. prop. 4.  
æqualis spatio  $VSDIk$ , nimirum per Coroll.  
2. prop. 7. æqualis  $b_1 k i$ ,  $+ b_2 k_3 b$ ,  $+ b_4 k_5 b$ , &c. hoc est quadrato  $bikV$ , mi-  
nùs trilineo parabolæ  $b_1 k V$ , plus trilineo  
secundæ Parabolæ, minùs trilineo tertiæ &c.  
sunt autem illa trilinea parabolica circum-

D ij

scripti

scripti quadrati  $\frac{1}{3}, \frac{1}{5}, \frac{1}{7}, \frac{1}{9}$  &c. per ordinem, ut patet ex dictis *cap.* 8. *Hugenianor. n.* 10. ergo posito eodē quadrato = 1, prodit circulus =  $1 - \frac{1}{3} + \frac{1}{5} - \frac{1}{7} + \frac{1}{9} - \frac{1}{11}$  &c. Quod d erat demonstrandum.

### COROLLARIUM I.

**Q**Uoniam parabola  $b \ 1 \ K \ i$  inscriberetur quadranti  $I \ B \ M \ K$ , aliaque eundem quadrantem circumplecterentur, patet, excessum quadrantis supra inscriptam parabolam æqualem esse Lunulis parabolicis  $b \ 2 \ k \ 3 \ b, a \ 4 \ k \ 5 \ b$  &c. eidem quadranti adscriptis.

### COROLLARIUM II.

**N**Ec minùs eadem methodo patet dimensio cuiusvis sectoris, putà ejus, cujus semissis esset  $M \ I \ K$ , quippe esset ille æqualis  $y \ 1 \ K \ i \dagger 2 \ K \ 3 \dagger 4 \ K \ 5$  &c. unde patet Veritas Quadraturæ Circularis sectoris  
ab eo-

53

ab eodem Cl. Leibnitzio propositæ in Actis  
Lipsiæ 1691. mense Aprilis, pro qua & se-  
quentem Propositionem libet adjungere.

## PROPOSITIO IX.

**C**ircularis vel Elliptici Sectoris Quadratu-  
ram loco mox laudato à Summo Geometra  
exhibitam demonstrare.

**S**It [ in fig. 6. ] radius  $AB = r$ , tangens  
 $BC = x$ , arcus circuli  $BD = y$ , ducta  
infinite proxima secante  $Adc$ , cum arcu  
&  $E$  concentrico, ponatur  $Dd = dy$ , undè  
 $Cc = dx$ , secans  $AC = \sqrt{1+xx}$ . Jam  $Dd$  ad  
 $Cc$  est in ratione composita ex  $Dd$  ad  $Ee$   
(idest 1. ad  $\sqrt{1+xx}$ ) &  $Ee$  ad  $Cc$  [ nempe  
rursus 1 ad  $\sqrt{1+xx}$  ] adeoque est ut 1 ad  
 $1+xx$ , nempe ut quadratum radii ad qua-  
dratum secantis; ergo cum sit  $1+xx . 1$   
: :  $dx . dy$ , erit hæc  $= \frac{dx}{1+xx}$  videlicet per

dicta in *Hugenianis cap. 10. n. 5.* = diffe-  
rentiæ seriei  $x - \frac{x^3}{3} + \frac{x^5}{5} - \frac{x^7}{7} + \frac{x^9}{9}$   
&c: undè hæc ipsa series æquabitur inte-

D iij

grg

græ  $y$ , ductaque alia tangente  $CF$ , ut arcus  $BF$  sit duplus  $BD$ , & sector  $BAF$  æqualis rectangulo radii in semiarcum  $BD$ , fiet ejusmodi sector  $= x - \frac{x^3}{3} + \frac{x^5}{5} - \frac{x^7}{7}$  &c. quæ est Quadratura Leibnitzii loc. cit.

Et quoniam, ubi sector  $BDA$  sit quadrans Circuli, angulus  $BAC$  semirectus evadit, & tangens  $BC$  æquatur radio  $BA$ , nempe ipsa  $x = 1$ , tunc series præfata mutatur in hanc simpliciore, videlicet

$$1 - \frac{1}{3} + \frac{1}{5} - \frac{1}{7} + \frac{1}{9} - \frac{1}{11} + \frac{1}{13} \text{ \&c.}$$

qualem *prop. 6. & 8* jam demonstravimus.

Ellipsi autem  $BOL$  circa eandem transversam diametrum posita cum circulo  $BFk$ , quia tam segmentum  $BFI$  ad  $BOI$ , quàm triangulum  $FIA$  ad  $OIA$ , adeòque & sector  $BFA$  ad sectorem  $BOA$  est in ratione  $FI$  ad  $IO$ , seu  $KA$ , vel  $BA$  ad  $AL$ , nec non tangentis  $CB$  ad  $BH$ , utique si non jam  $AB$ , sed  $AL$  sit  $= 1$ , &  $AB = a$ , nec jam  $BC$ , sed  $BH = x$ , prodibit idè sector ellipticus  $BCA = ax - \frac{ax^3}{3} + \frac{ax^5}{5} - \frac{ax^7}{7} \text{ \&c.}$   
ut

55

ut Maximus ævi nostri Geometra sæpe citato loco determinavit, nosque demonstrandum susceperamus.

## S C H O L I O N.

**R**estat, ut cum similem seriem de sectore hyperbolico ibidẽ Vir Cl. dederit, nos illam demonstrare non differamus, quod post expostas nostras de Hyperbola per Infinitas Hyperbolas, & Parabolas quadranda cogitationes, præstabimus, ad id nos invitante olim, nostrasque curas promovente Egregio Juvene Gabriele Manfredio, cujus doctissimam hac de re Epistolam tum in medium adducam, quam ferax sit Ingeniorum ad Geometriam, & Analysis, factorum Italia, locupletissimo apud Exteros testimonio futuram.

## E P I D O S I S.

**A**Ntequàm ad alteram Libelli partem progrediar, oportunum duxi aliàs vacaturum hujus pagellæ residuum implete, adducta demonstratione veritatis suprà

D iv

enun-

enunciata pag. 30. *ad finem* de Solido Infinito ex Cissoide circa diametrum circuli genitoris revoluta : hoc enim nullo schemate adhibito ( quæ methodi Leibnitzianæ præstantia est ) ex sola hujus curvæ natura demonstrare possum , posita scilicet diametro  $\equiv a$  , parte abscissa ab initio Cissoidis  $\equiv x$  , & circumferentia genitoris circuli  $\equiv c$  ; erit enim  $a - x : x :: \frac{cx^2}{a}$  [ nempe circulus radii  $x$  ] .  $\frac{cx^3}{a \cdot a - xa} \equiv$  circulo descripto ab ordinata Cissoidis , quo ducto in  $dx$  , prodit  $\frac{cx^3 dx}{aa - xa}$  elementum solidi ab ejusmodi revolutione producti , & hoc resolutum in seriem infinitam *per cap. 10. n. 5. Hug.* habetur  $\frac{cx^3 dx}{aa} + \frac{cx^4 dx}{a^3} + \frac{cx^5 dx}{a^4} \&c.$  cujus integrale  $\frac{cx^4}{4aa} + \frac{cx^5}{5a^3} + \frac{cx^6}{6a^4} \&c. \equiv$  solido altitudinis  $x$  ; & ubi  $x \equiv a$  fit integrum solidum  $\frac{caa}{4} + \frac{caa}{5} + \frac{caa}{6} \&c. \equiv$  Infinito , ob denominatores arithmetice dispositos.

PARS



# DE HYPERBOLA



## PROPOSITIO X.

Fig. 8.

**I**Nter asymptotos  $BCG$  per idem punctum  $A$  descripta sint infinita Hyperbola  $A E F$  prima, seu linearis ab Apollonio illustrata,  $A 11$  secunda, seu quadratica, qua Cl. Viviano Mesolabica dicebatur,  $A 22$  tertia, seu cubica,  $A 33$  biquadratica, aliaque altiorum graduum in infinitum, quas secet alteri asymptoto parallela  $E 1 2 3 G$

Dico ipsas  $AD, EG, 1G, 2G, 3G$  &c. esse continuè proportionales in ratione  $GC$  ad  $CD$ .

**N**Am ut  $GC$  ad  $CD$ , ita  $AD$  ad  $EG$  in prima hyperbola, & ut quadratum  $GC$  ad quadr.  $CD$ , idest in duplicata priorum ratione, ita  $AD$  ad  $1G$  in hyperbola secunda, & ut cubus  $GC$  ad cubum  $CD$ , ita eadem  $AD$  ad  $2G$

ad 2 G in hyperbola tertia, hoc est in triplicata priorum ratione, atque ita deinceps, ergo ipsæ AD, EG, 1 G, 2 G, 3 G &c. sunt continuè proportionales. Quod &c.

## PROPOSITIO XI.

**I**isdem positis, sumatur GD equalis distantia à centro DC, & per punctum G ordinetur communis applicata GE.

Dico, spatium primæ hyperbolæ FEADGO ad partes O infinitum equari aggregato ex infinitis spatiis omnium hyperbolarum per ipsam GE resectis, videlicet GEF O † G 1 1 O, † G 2 2 O, † G 3 3 O &c.

**C**ompleteur rectangulum GDAa, & per punctum a inter asymptotos ADG transeat hyperbola aef primæ AEF equalis prorsus, & similis, ac similiter posita, imò eadem sola positione differens; eritque spatium Of eaGO idem, quod OFEADO. Ordinata igitur ubilibet e E 1 2 3 g, quoniam per præcedentem est Eg ad 1 g, ut gC ad Cd, erit per con-  
ver-

versionem rationis  $gE$  ad  $1E$ , ut  $gC$  ad  $gD$ , nempe in ratione composita ex  $gC$  ad  $DC$  (nempe  $DA$  ad  $gE$ ) &  $DC$ , vel æqualis  $DG$ , ad  $gD$  (seu  $ge$  ad  $Ga$  aut  $DA$ ) hæc autem duæ rationes componunt illam, quæ est  $ge$  ad  $gE$ , igitur  $ge$  ad  $gE$  est, ut  $gE$  ad  $1E$ , quare per *Propos. 1.*  $ge$  æqualis erit omnibus proportionalibus terminis  $Eg$ ,  $1g$ ,  $2g$ ,  $3g$  &c. siquidem est tertia proportionalis post primam differentiam  $E1$ , & primam magnitudinem  $Eg$ ; Hoc ubilibet demonstrato, patet omnem ordinatam  $eg$  in spatio  $Ofe a GO$  æquari omnibus ordinatis aliarum hyperbolarum per ordinatam  $GE$  resectorum, adedque & ipsum spatium  $Ofe a GO$ , vel illi æquale  $OPEADO$  æquari prædictis infinitis hyperbolarum portionibus. Quod erat &c.

### COROLLARIUM.

**H**Inc ablato communi spatio  $OFE GO$ , spatium hyperbolicum  $DGE A$ , ordinatis proportionis duplæ interceptum, æquale erit infinitis spatiis quadrabilibus  
per

per reliquas hyperbolas determinatis, nempe  $G_1 1 O \dagger G_2 2 O \dagger G_3 3 O \&c.$

## PROPOSITIO XII

**S**umpto parallelogrammo hyperbolæ inscriptæ pro unitate, erit spatium hyperbolicum ordinatis rationis duplæ interiectum æquale seriei fractionum, in quibus unitas denominatur productis singulorum per ordinem numerorum in terminos rationis duplæ.

$$\text{Idest} = \frac{1}{1 \cdot 2} + \frac{1}{2 \cdot 4} + \frac{1}{3 \cdot 8} + \frac{1}{4 \cdot 16} + \frac{1}{5 \cdot 32} \&c.$$

**Q**uia enim per prop. 10.  $E G$ ,  $1 G$ ,  $2 G$ ,  $3 G$  &c. sunt continuè proportionales in ratione  $GC$  ad  $CD$ , quæ hîc est ratio duplæ, erit & series æquè altorum rectangulorum  $E G C$ ,  $1 G C$ ,  $2 G C$ ,  $3 G C$  &c. series rationis duplæ, cùmque  $E G C$  computetur pro unitate, erit  $1 G C =$  semissi, &  $2 G C =$  quadrantî, &  $3 G C =$  octantî &c. sed ex his, quæ demonstravimus in *Hugenianis* cap. 8. n. 11. spatium hyperbolæ secundæ  $G_1 1 O =$  inscripto rectangulo, nem-

nempe semissi, & spatium hyperbolæ tertię  
 $G_2 O =$  semissi inscripti rectanguli  $2GC$ ,  
 adeòque  $= \frac{1}{2,4}$ , & spatium quartæ hyper-  
 bolę  $G_3 O =$  trienti rectanguli  $3GC$ , at-  
 que adeò  $= \frac{1}{3,8}$  &c. ergo agregatum ex il-  
 lis hyperbolicis spatiis, idest *per Coroll. prop.*  
*preced.* ipsum spatium  $ADGE$  ordinatis  
 rationis duplę in hyperbola primaria in-  
 teriectum  $=$  seriei in titulo propositę.  
 Quod &c.

## COROLLARIUM

**Q**Uoniam Quęlibet Hyperbolica spatia  
 ordinatis ad alteram asymptoton in-  
 teriecta sunt inter se ut rationes extrema-  
 rum ordinatarum, ut ostendimus *in Hugenianis cap. 6 n. 3.* Cognita ratione ordinatarum, quibus interiacent hyperbolica spatia, cognoscetur eorum proportio ad spatium interiectum ordinatis rationis duplę, quare data in *precedenti* propositione hujus dimensio per infinitam seriem rationalem, quę ejusdem valorem quantum-

vis accuratum determinat, inserviet etiam pro simili dimensione quorumvis propositorum spatiorum ab hyperbola resectorum.

## SCHOLION:

**H**Æc ad quadraturam Hyperbolæ *per Infinitas Hyperbolas quadrabiles* pertinent; superest ut idem *per Infinitas Parabolas* assequi tentemus, id quod multò adhuc faciliùs et expeditiùs obtinebimus;

Nam hoc, ut præfati sumus, nobis olim palmarium fuerat, cùm sese

ut peregrinam menti nostræ

hæc Veritas obtulisset,

quam demum inter

Geometriæ Lares

olim receptam depre-

hendimus; sed si ve no-

vam, si ve antiquam horum

mathematicorum reces-

suum incolam, sic

illam nos ador-

namus.

PRO.

## PROPOSITIO XIII.

Fig. 2.

**H**yperbola  $AB$  inter asymptotos  $MC D$  existente, quibus sint parallelae  $AED$ ,  $BEF$  convenientes in  $E$ , conjuncta verò ad centrum  $AC$ ; secante  $BF$  in  $G$ , ipsis  $CD$ , seu  $FE$ , &  $GE$  sumatur tertia proportionalis  $EH$ , & quarta  $EI$ , atque ita deinceps in infinitum.

Aio, lineam  $FB$  æquari omnibus illis infinitis terminis  $EF$ ,  $EG$ ,  $EH$ ,  $EI$  &c.

**C**ompletis enim parallelogrammis  $DAM$ ,  $FBL$  æqualibus per 12. 2. Conic. erit  $FC$  ad  $CM$ , seu  $FG$  ad  $MA$ , vel  $FE$ , ut eadem  $MA$ , vel  $FE$  ad  $FB$ ; quia ergo  $FB$  est tertia proportionalis post  $FG$  primam differentiam proportionalium terminorum, et  $FE$  primum terminum, erit ex prop. 1.  $FB$  æqualis omnibus simul prædictis terminis. Quod erat &c.

## PROPOSITIO XIV.

**I**isdem positis, & intra triangulum  $CAD$  descripto trilineo parabola quadraticæ  $CHAD$ ,  
cujus

vis accuratum determinat, inserviet etiam pro simili dimensione quorumvis propositorum spatiorum ab hyperbola resectorum.

## SCHOLIION.

**H**Æc ad quadraturam Hyperbolæ *per Infinitas Hyperbolas quadrabiles* pertinent; superest ut idem *per Infinitas Parabolas* assequi tentemus, id quod multò adhuc faciliùs et expeditiùs obtinebimus;

Nam hoc, ut præfati sumus, nobis olim palmarium fuerat, cùm sese

ut peregrinam menti nostræ

hæc Veritas obtulisset,

quam demum inter

Geometriæ Lares

olim receptam depre-

hendimus; sed siue no-

vam, siue antiquam horum

mathematicorum reces-

suum incolam, sic

illam nos ador-

namus.

PRO.



## PROPOSITIO XIII.

Fig. 2.

**H**yperbola  $AB$  inter asymptotos  $MC$   $D$  existente, quibus sint parallelae  $AED$ ,  $BEF$  convenientes in  $E$ , conjuncta vero ad centrum  $AC$ , secante  $BF$  in  $G$ , ipsis  $CD$ , seu  $FE$ , &  $GE$  sumatur tertia proportionalis  $EH$ , & quarta  $EI$ , atque ita deinceps in infinitum.

Aio, lineam  $FB$  æquari omnibus illis infinitis terminis  $EF$ ,  $EG$ ,  $EH$ ,  $EI$  &c.

**C**ompletis enim parallelogrammis  $DAM$ ,  $FBL$  æqualibus per 12. 2. Conic. erit  $FC$  ad  $CM$ , seu  $FG$  ad  $MA$ , vel  $FE$ , ut eadem  $MA$ , vel  $FE$  ad  $FB$ ; quia ergo  $FB$  est tertia proportionalis post  $FG$  primam differentiam proportionalium terminorum, et  $FE$  primum terminum, erit ex prop. 1.  $FB$  æqualis omnibus simul prædictis terminis. Quod erat &c.

## PROPOSITIO XIV.

**I**isdem positis, & intra triangulum  $CAD$  descripto trilineo parabola quadraticæ  $CHAD$ ,  
cujus

cujus vertex  $A$ , tangens verticis  $AD$ ; item, trilineo parabolæ Cubicæ  $C I A D$ , & aliis in infinitum altiorum graduum ex ordine succedentium.

Dico, Spatium Hyperbolicum  $A M F B$  æquari parallelogrammo  $M A E F$ , cum triangulo  $A E G$ , & trilineis parabolicis  $A E H$ ,  $A E I$ , cæterisque deinceps per eandem ordinatam  $F B$  abscissis,

**L** Inæ siquidem  $FE$ ,  $EG$ ,  $EH$ ,  $EI$  &c. erunt continuè proportionales, nempe correspondentes potestatibus abscissarum  $DA$ ,  $AE$  ordinatim crescentibus, ergo per prop. præced. erit aggregatum ex ipsis æquale toti  $FB$ , similiter ducta quavis alia parallela  $fb$ , ostendetur, hanc æqualem esse aggregato linearum correspondentium  $fe$ ,  $ge$ ,  $he$ ,  $ie$  &c. ergo omnes lineæ spatii hyperbolici  $M A B F$  æquales sunt omnibus lineis parallelogrammi  $M A E F$ , nec non omnibus Trianguli  $G A E$ , & trilineorum  $H A E$ ,  $I A E$  &c. adeòque ex methodo Indivisibilium [quam in præsentī negotio, & in plerisque antecedentium Propositionum facile

facile ad Veterum exhaustionem reduces, loco linearum assumptis æquè altis parallelogrammulis figuras circumferibentibus ) spatium Hyperbolicum  $AMFB$  æquatur parallelogrammo, & Triangulo, Trilineis-que parabolicis supra descriptis, Quod &c.

### COROLLARIUM I.

**H**Inc habetur, idem Hyperbolicum spatium  $AMFB$  ( vel huic æquale  $ADLB$  ) æquari parallelogrammo  $AEF$ , cum semissi sequentis  $AEG$ , & trienti alterius  $AEH$ , & quadranti ipsius  $AEI$ , mox  $\frac{1}{5}$ ,  $\frac{1}{6}$ ,  $\frac{1}{7}$  &c.

sequentium parallelogrammorum continuè proportionalium, quorum summa æquatur ipsi  $MFBN$  [ ob basium equalitatem præ-  
ostensam ), Patet enim, cum ex aliis, tum ex nobis *cap. 8. Hugenianorum n. 10.* nedum triangulum  $G E A$  esse circumscripti sui parallelogrammi semissem, sed trilineum parabolæ Quadraticæ esse trientem, Cubicæ verò quadrantem, atque ita deinceps, suorum respectivè parallelogrammorum,

E

CO-

## COROLLARIUM II.

U Nde sequitur, complementum parallelogrammi MFBN, scilicet residuū spatium  $ABBN$ , æquari reliquo semissi parallelogrammi AEG, & duobus residuis trientibus parallelogrammi AEH, cum tribus quadrantibus sequentis AEI, &  $\frac{4}{5}$ ,  $\frac{5}{6}$  &c. subsequantium.

## COROLLARIUM III.

H Inc obvium est arithmetica seriem exhibere dictis hyperbolicis spatiis equalem, adeòque aream hyperbolicam numeris quam proximè exprimere, ad ipsius valorém cum nostro rectilineo spatio comparandum, si videlicet, determinato, ut priùs, inscripto parallelogrammo ADCM pro unitate, & MAEF pro quavis ejus portione  $= a$ , & consequenter AEG  $= aa$ , AEH  $= a^3$ , AEI  $= a^4$  &c. dicatur spatiū

$$ABFM = \frac{a^1}{1} + \frac{a^2}{2} + \frac{a^3}{3} + \frac{a^4}{4} + \frac{a^5}{5} \text{ \&c.}$$

&



qua id pro sua in me humanitate præstare aggressus est Geometriæ, & Analyticæ rei consultissimus Adolefcens, & de quo magna sperare liceat, Gabriel Manfredius, Eustachii Clarissimi Mathematici, atque Astronomi Præstantissimi (cujus Tractatum de Curvis Planetariis Cassinianis, cui dudum incumbibat, expectamus, otiumque ejus perfectioni necessarium ipsi aprecamur] in Patrio Bononiensi Archigymnasio Mathematicæ publicè Profitentis, Dignissimus Frater, quum illi meum hoc inventum de more communicassem, eaque utrumque nostrum sollicitudo teneret, an non cum Leibnitziana Sectoris Conici Quadratura *Actorum Lipsiæ 1691. Mense Aprilis* proposita consonum esset; (Neutro scilicet nostrum in Cl. Mercatoris operibus tale quid de Hyperbolæ Quadratura jam diù propositum esse suspicante, quod postmodum animadvertimus, ut in præfatione jam dictum est) ostendit enim ex iisdem Leibnitziani Calculi principiis Aream Hyperbolæ, tum ad nostram, tum ad Leibnitzianam seriem reduci posse. Ne verò Tyronibus Geo-

Geometricis salebrosior ejus ostensio videatur, ubi paulò pressius arguit asterismos apponam parentesi inclusos, iisque ex ordine respondebunt Notæ ad calcem Epistolæ subnectendæ, quibus omnem deductionis vim in aperto posuisse me arbitror.

GABRIELIS MANFREDI

EPISTOLA AD AUCTOREM

Propositionis hujus demonstrationi  
interviens.

*Vir Clariss.*

Fig. 1.

**S**it inter asymptotos  $CH, CF$  Hyperbola  $AG$ ,  
cujus puncta quævis duo  $A$ , &  $G$ , & per  
 $G$  sit asymptoto  $GF$  parallela  $GH$ , nec non  
per  $A$  asymptoto  $HC$  parallela  $AE$ , ipsam  $GH$   
secans in  $B$ ,  $CF$  verò in  $E$ , & supponatur  
ipsi  $BG$  infinite proxima  $bg$ , & per  $b$  ad  $BG$   
normalis  $bV$ , per  $A$  verò ad  $CF$  normalis  $AF$ :  
ponaturque  $AE = a$ ,  $AF = b$ ,  $AB = x$ , un-  
de  $BE = 1 - x$ , &  $BG = \frac{ax}{1-x}$  &  $Bb = dx$ ;

E iii

quare

quare propter similia triangula  $EAF$ ,  $BbV$ ,  
erit  $bV = bdx$ , quæ ducta in  $BG$ , sive  $bg$ ,

dat spatiolū  $BbgG = \frac{abxdx}{1-x} = abxdx$

$+ abx^2 dx + abx^3 dx + abx^4 dx + abx^5 dx$

&c. [\*1] Quæ series est differentiale seriei

$\frac{abxx}{1} + \frac{abx^3}{3} + \frac{abx^4}{4} + \frac{abx^5}{5} + \frac{abx^6}{6}$

&c. [\*2] quare series hac erit æqualis spatio  
 $ABG$ , quod tuæ subtilissima inventioni ada-  
missim consonat.

Sed & Leibnitiana similiter ostendetur Qua-  
dratura ( in sequ. fig. 4. ) Esto enim axis Hy-  
perbolæ  $GA$  ipsa recta  $CAE$ , & ejus quidem  
semitransversum  $CA = a$ , semisecundarium  
verò  $CF = 1$ , & assumpto quovis puncto Hy-  
perbolæ  $G$ , eique proximo  $g$ , jungatur  $CG$  dia-  
meter, eique proxima alia  $Cg$ , & juncta  $Gg$   
[ quæ tangens erit ] secante axem in  $D$ , duca-  
tur ex  $D$  ad  $CG$  perpendicularis  $KD$ , & por-  
tio lineæ  $AT$ , quæ continetur inter  $A$ , & tan-  
gentem ( si sit  $AT$  ad  $CE$  normalis in  $A$  )

sit  $= x$ , erit  $CE = \frac{axx + a}{1-xx}$  (\*3) cujus

dif-



$$\text{differentiale} = \frac{4axdx}{1+x^4-2xx} \text{ et } GE = \frac{71}{2x} \frac{2x}{1-xx}$$

$$[*4] \text{ cujus differentiale} = \frac{2dx + 2xxdx}{1+x^4-2xx}$$

(\*5) quorum differentialium quadratorum summa dabit lineola Gg quadratum, quaproinde lineola

$$\text{erit } \frac{2dx \sqrt{4aaxx + 1 + x^4 + 2x}}{1+x^4-2xx} [*6] \text{ seu}$$

$$\text{posita quantitate } \sqrt{4aaxx + 1 + x^4 + 2x} = c, \text{ erit } Gg = \frac{2cdx}{1+x^4-2xx}; \text{ erit autem}$$

$$CD, \text{ propter tangentis Hyperbolae proprietatē,} = \frac{a - axx}{xx + 1} [*7] \text{ unde propter similia trian-}$$

$$\text{gula } CGE, CDK, \text{ erit } KD \text{ equalis}$$

$$\frac{2ax - 2ax^3}{1+xx \sqrt{aax^4 + aa + 2aaxx + 4xx}} (*8)$$

$$\& \text{ cum sit } GD = \frac{2xc}{1-xx} (*9) \text{ erit } Mg$$

$$(\text{arcus circuli, centro } C, \text{ intervallo } Cg \text{ descrip-}$$

$$\text{tus}) = \sqrt{\frac{2adx}{aax^4 + aa + 2aaxx + 4xx}} (10)$$

Que quantitas Mg ducta in CG dat duplum  
trianguli CGg, quod proinde triangulum erit =

$\frac{a dx}{1 - x x}$  (\* 11) hoc est =  $a dx + a x x dx$   
 $+ a x^4 dx + a x^6 dx$  &c. cujus seriei cum sit in-  
 tegrale  $ax + \frac{ax^3}{3} + \frac{ax^5}{5} + \frac{ax^7}{7}$  &c. (\* 12) se-  
 quetur, hanc seriem equari sectori CGA, pror-  
 sus ut Leibnitzius cit. loco. Idemque propor-  
 tionaliter Circulo, & Ellipsi applicabitur.

Debet igitur necessario tua ingeniosa inven-  
 tio cum iis, quæ D. Leibnitzius ostendit, co-  
 incidere, nec mihi amplius dubium erit, quin  
 vestrum utriusque mentem sim assequutus, quas  
 in Veritatem unanimiter conspirare tandem de-  
 prehendi. Te Vir Cl. --- &c.

#### NOTÆ IN PRÆCEDENTEM EPISTOLAM.

**N**E iterum cogamur fractiones repetere  
 cum nimio Typographi incommodo,  
 illas subinde significabimus per asterismos  
 adnexos, ita ut quilibet asterismus cum  
 numero conjuncto denotet, vel seriem, vel  
 simplicem fractionem, quæ immediatè præ-  
 cedit similem asterismum in Epistolæ textu.

(\* 1)

(\*1) Quoniam videlicet series hæc ducta in 1. producit seipsam, ducta verò in  $x$  dat  $abx^2 dx - abx^3 dx - abx^4 dx$  &c. ubi omnes termini elidunt singulos prioris seriei, integro solùm remanente  $abx dx$  numeratore fractionis illius, cui hæc series in Epistola æqualis asseritur. Vide *nostra Hugeniana Theoremata cap. 10. n. 5.*

(\*2) Differentia enim cujusvis potestatis indeterminatæ  $x$  est eadem potestas ducta in suum exponentem, & una ejus dimensione differentiata, quantitatibus constantibus, quibus afficitur, invariatis, quippe quarum nulla est differentia, itaque differentiando hanc seriem prodit illa præcedens  $abx dx + abxx dx + abx^3 dx$  &c.

[\*3] Sit enim integra diameter transversa ACH, & tangens GD producta occurrat HL tangenti oppositæ Hyperbolæ in L; erit *per* 42. 3. *Conic.* TA in HL = quartæ parti figuræ, seu quadrato secundæ semidiametri CF, nempe = 1; unde cum AT sit =  $x$ , erit HL = 1 divisæ per  $x$ ; itaque 1 =  $xx$  erit HL in AT minùs AT quadrato, seu HL = AT in AT; & 1 +  $xx$  erit HL

HL in AT + AT quadrato, seu HL + AT in AT; quare  $1 - xx . 1 + xx :: HL - AT . HL + AT :: HD - DA . HD + DA :: AC + CD - DA . HA :: 2 CD . 2 CA :: CD . CA :: CA . CE$  ( 37. 1. *Conic.* ) ::  $a . CE$  æqualem fractioni propositæ .

[ \*4 ] Quia proportionalium EC, AC, DC etiam differentiæ sunt proportionales, erit EA . DG :: CH . HE ::  $a . a$  + ( \*3 ), quod instituta divisione per  $a$ , & multiplicatione per  $1 - xx$  dat  $1 - xx . 1 - xx + xx + 1 :: 1 - xx . 2$ ; cum ergo in eadem ratione AD . DE sit AT seu  $x$  ad EG erit hæc = fractioni propositæ.

( \*5 ) Cujusvis enim fractionis differentia est factum ex denominatore in differentiam numeratoris, minùs factò ex numeratore in differentiam denominatoris, utroque diviso per denominatoris quadratum, putà differentia ipsius

$$\frac{n}{m} = \frac{m \, dn - n \, dm}{mm}$$

itaque differentia ipsius ( \*4 ) = aggregato  $2 \, dx - 2 \, x \, x \, dx + 4 \, x \, x \, dx$  [ nempe  $2 \, dx + 2 \, x \, x \, dx$  ] diviso per quadratum residui ex  $1 - xx$ , ut denotat fractio hic assignata:  
que-

quemadmodum & supra ipsius [\*3] differentiale positum est quod resultat ex divisione  $4ax dx$  per  $1 + x^4 - 2xx$ , quia  $2ax dx - 2ax^3 dx + 2ax^3 dx + 2ax dx = 4ax dx$

(\*6) Quadratum enim fractionis posite in Epistola paulò post (\*3)  $= 16aaxx dx^2$  diviso per quadratum ipsius  $1 + x^4 - 2xx$ , & quadratum alterius fractionis quæ in Epistola adducitur paulò post (\*4) est trinomium  $4dx^2 + 4x^3 dx^2 + 8xx dx^2$  divisum per quadratū ejusdem  $1 + x^4 - 2xx$ , adeoque utrumque  $=$  polynomio  $16aaxx dx^2 + 4dx^2 + x^4 dx^2 + 8xx dx^2$ , cujus radix est quæ hîc assignatur.

(\*7) Visum est enim *num.* 3. esse  $xx + 1$  ad  $1 - xx$ , ut CA idest  $a$ , ad CD, quæ propterea erit, ut hîc notatur.

(\*8) Nam CG est radix quadratorum CE, & GE, idest (\*3), & (\*4) ergo CG  $=$  radici polynomii  $aax^4 + aa + 2aaxx + 4xx$  divisæ per  $1 - xx$  est ad GE (\*4), ut CD (\*7) ad DK  $=$  fractioni propositæ.

(\*9) Etenim DA  $=$  CA  $-$  CD  $= a -$  (\*7)  $= axx + a - a + axx$  divis per binomium

mium  $xx + 1$ , seu  $= 2axx$  per idem binomium diviso; est auté  $CD = (*7)$  ad  $CA = a$ , ut ipsa  $DA$  ad  $AE$ , quæ idèd prodiit  $2axx$  divisus per  $1 - xx$ , undè tota  $DE$  fit summa ex  $2axx$  diviso per  $xx + 1$ , & ex eodem diviso per  $1 - xx$ ; quod relinquit  $4axx$  divisum per  $1 - x^4$ ; Jam, ut differentia  $CE =$  fractioni, quæ in Epistola subjungitur post  $[*3]$  ad  $Cg = 2cdx$  diviso per quadratum ipsius  $1 - xx$ , ita  $DE =$  fractioni nuper inventæ ad  $DG = (*9)$ , ut proponitur.

$[*10]$  Ob proportionales  $GD . DK :: Gg . gM$  fit  $(*9)$  ad  $2ax = 2ax^3$  divisos per factum ex binomio  $1 + xx$  in radicem polynomii  $aa x^4 + aa + 2aaxx + 4xx$ , ut  $2cdx$  divisus per quadratum ipsius  $1 - xx$  ad aggregatû  $2adx - 2ax^4 dx - 2axx dx + 2ax^6 dx$  divisum per productum ex polynomio  $1 - xx - x^4 + x^6$  in radicem polynomii  $aa x^4 + aa + 2aaxx + 4xx$ , quæ fractio evadit tandem  $= [*10]$  dividendo numeratorem per  $1 - xx - x^4 + x^6$

$[*11]$  Quippe ex dictis *num.* 8.  $CG =$  radici polynomii  $aa x^4 + aa + 2aaxx + 4xx$  divisæ

divisæ per  $1 - xx$ , quæ ducta in  $Mg$  dat  
pro rectangulo duplum propositæ fractio-  
nis, cujus aded dimidium triangulum ele-  
mentare  $CGg$  eidem fractioni adequatur.

[ \* 12 ] Hęc reductio in infinitam seriem  
trianguli elementaris, ejusque integratio  
pro valore sectoris Hyperbolici patet ex  
jam notatis in simili *ad num.* 1. & 2. Qua-  
rè manifestâ sunt omnia Viri Clarissimi Pro-  
nunciata: Quæ tamen nolim pro Viris in  
Geometriæ adyta jam admissis, sed pro Ty-  
ronibus tantùm notata esse; itaque

*Qui satis hac novit, ne sibi dicta putet:*  
Quamquàm adhuc longè pluribus dicen-  
dum esse vereor;

*Qui neque sic capiunt, non sibi dicta putent.*

## PROPOSITIO XVI.

**I**dem consensus cum Cl. Leibnitzio brevius,  
& immediatius proponitur.

**S**int eadem, quæ in primo S. Ingeniosis-  
simæ Epistolæ superius adductæ, nisi  
quodd supponendus est  $CA$  sectionis axis.

$=c,$

$= c$ , AL verò, aut AI tangentis portio  
 vertici & asymptotis interposita [ quæ &  
 æquatur semiaxi conjugato *per 1. 2. conic.* ]  
 esto  $= 1$ , adeòque AE non jam pro unita-  
 te computetur, sed sit  $= a$  [ uti & CE il-  
 li in hoc casu æqualis ] fiet jam  $bV =$   
 $\frac{b dx}{a}$ , item  $HG = \frac{aa}{a - x}$  [ ut ex simplici li-  
 nearum proportionalitate patet ] itaque  
 spatium  $GgbH = \frac{ab dx}{a - x}$  idest  $= b dx +$   
 $\frac{b x dx}{x} + \frac{b x x dx}{aa} + \frac{b x^3 dx}{aaa}$  &c. cujus Inte-  
 grale, nempe spatium AMHG  $= bx +$   
 $\frac{bx^2}{2a} + \frac{bx^3}{3aa} + \frac{bx^4}{4aaa}$  &c. ut habet quadratura  
 à nobis superiùs tradita.

Verùm ob proportionales IC. CA ::  
 IA. AF ( propter triangulum CAI re-  
 ctangulum simile ipsi CAF ) est  $2a . c ::$   
 $1 . b = c$  diviso per  $2a$ , quo valore loco  $b$   
 substituto in quantitate  $\frac{b dx}{a - x}$  designante,  
 ex dictis, spatium  $= \frac{cdx}{2a - 2x}$ , & multi-  
 plicando tam numeratorem, quàm deno-  
 mi-



minatorem per 2, mox denominatori addendo  $xx - xx$  [quod non variat valorem, cum sit  $= 0$ ] fiet  $\frac{2acd x}{4aa - 4axx + xx - xx}$

feu  $\frac{2acd x}{2a - x - xx}$  = dicto spatio.

Cum sit autem  $kL$  parallela  $GA$  per 44. 3. *Conic.* ut  $LA$  ad  $AO$ , ita  $kG$  ad  $GO$ , vel  $IQ$  ad  $QO$ , & summa antecedentium  $LA + IQ$  ad summam consequentium  $AQ$ , feu ob parallelas,  $LM + CH$  ad  $HM$ , nempe  $2a - x :: LA$ , idest 1, ad  $AO = \frac{x}{2a - x}$  quam vocemus  $t$ ; ergo ipsius  $t$  differ-

rentia  $dt = \frac{2a dx}{2a - x}$  ejusq. quadratū  $tt =$

$\frac{xx}{2a - x}$ , &  $1 - tt = \frac{2a - x - xx}{2a - x}$ , &  $cdt =$

$\frac{2acd x}{2a - x}$ , & demum  $\frac{cdt}{1 - tt} = \frac{2acd x}{2a - x - xx} =$

spatio  $GHbg$ , quod resolvendo de more in seriem infinitam, prodit  $cdt + ctt dt + ctt^2 dt + ctt^3 dt + ctt^4 dt + ctt^5 dt + ctt^6 dt + ctt^7 dt$  &c. cujus integrale jam erit

$ct + \frac{ct^3}{3} + \frac{ct^5}{5} + \frac{ct^7}{7}$  &c. prorsus ut Clarif-

icamus

simus Leibnitzius determinavit, æquale spatium  $\overset{A}{M} \overset{H}{G}$ , sive sectori hyperbolico  $\overset{A}{C} \overset{G}$ , cui illud æquatur, ob triangula  $\overset{C}{H} \overset{G}$ ,  $\overset{C}{M} \overset{A}$  æqualia, & commune ablatum  $\overset{H}{R} \overset{C}$ , ac utrinque additum spatium  $\overset{A}{R} \overset{G}$ . Patet igitur nostrarum speculationum consensus cum profundissimis Summi illius, & Incomparabilis Geometræ cogitatis, quamquàm haud putarim per tot ambages ipsum processisse, sed longè simpliciori demonstratione [ illi fortè affini, quam pro Circulari, & Elliptico sectore *prop. 9.* jam dedimus ] in veritatis hujus cognitionem venisse.

## SCHOLION,

**A**bsolutam vides, Mi Lector, Hyperbolę per infinitas parabolas Quadraturam, & extra cujuslibet dubii discrimen jam positam, ostenso ejus cum Leibnitzianis speculationibus consensu; Ad methodi tamen confirmationem subdere placet aliquot aliunde nota ad Hyperbolę mensuram pertinentia, quę ex nostris hisce Propo-

positionibus sponte sua profluunt. Exempli causa.

## PROPOSITIO XVII.

*Fig. 2.*  
**Q**Uodlibet Hyperbolicū spatium  $LCMAbB$ ,  
 Hyperbola, & Asymptoto infinite productis  
 intersectum, est magnitudinis absolute infinitæ.

**Q**uia enim in hoc casu idem parallelo-  
 grammum  $MADC$  circumscribitur,  
 & triangulo  $CAD$ , & trilineis parabolicis  
 $CHAD$ ,  $CIAD$  &c. erit, *juxta prop. 14.*  
 spatium Hyperbolicum in titulo desi-  
 gnatum æquale inscripto parallelogram-  
 mo semel integrè accepto, unà cum ejus

$$\frac{1}{2} \quad \frac{1}{3} \quad \frac{1}{4} \quad \frac{1}{5} \quad \frac{1}{6} \quad \frac{1}{7}$$

&c. ejusdem. Verùm omnes hæ fractiones,  
 quibus unitas per singulos numeros de-  
 nominatur, æquales sunt infinitis uni-  
 tatibus [nam tri primæ superant unitatē,  
 & novem sequentes adhuc aliam unitatem  
 excedunt, & 27. deinceps altera unitate,  
 rursus sunt majores, & 81. succedentes si-

F

mili-

militer plusquàm aliam unitatem consti-  
ciunt, atque ita porro sumptæ juxtà altio-  
res potestates ternarii, ut observat V. Cl.  
Petrus Mengolus Bononiensis *in præf. libri  
de Quadrat. Arith.* ] ergo & illud spatium  
Hyperbolicum longitudine infinitum æqui-  
valebit infinitis numero parallelogrammis  
inscriptis, adeòque absolutè magnitudinis  
erit infinite, ut dudum alii demonstrarunt,  
& nos ipsi ostendimus *in Hugenianis cap. 8.  
n. 11.* Quod erat &c.

## COROLLARIUM

**S**patia infinita ejusdem gradus, quantum-  
libet finita quantitate differant, sunt  
invicem æqualia: putà, spatium LCMAB,  
& spatium LCFB, utraque ad partes BL  
infinita, sunt exactissimè æqualia, licet pri-  
mum videatur superare secundum spatio  
MA BF. Hoc quidem satis per se notum  
est intelligentibus quid sit Infinitum, nè-  
que id ullam apud Geometras dubitatio-  
nis umbram suscipere potest, quum sciant,  
finiti ad infinitum nullam esse rationem,  
proin-

proindeque non crescere infinitum additione finiti, quemadmodum nec crescit linea ad unius puncti incrementum, & generaliter, quantitates, quarum differentia infinitè exigua est, semper à Geometris, & Analystis æquales censeari, ut præsertim videre est apud Thomam Cevam in elegantissimi Opusculo *de Parab. ad mod. ellips. confid.* & apud Hospitalium *de infinitè exiguis*. Quia tamen Philosophorum nonnulli id in dubium vocare ausi sunt, ex suis dumtaxat præjudiciis, crassoque loquendi, & æstimandi modo rem metientes, non gravabor id exacta demonstratione in hunc modum stabilire.

Ostensum est *hac propos.* infinitum spatium LCMA B equari parallelogrammo MACD, ejusdemque semissi, & trienti, & quadranti, cæterisque partibus per singulos numeros denominatis; eodem autem ratiocinio constat, & spatium infinitum LCFB æquari parallelogrammo FBLC, cum ejus semisse, triente, quadrante, similibusque partibus deinceps assignabilibus; suntque integra parallelogramma MADC, FBLC

per 12. 2. *Conic.* invicem æqualia, adeoque & utriusque semisses, trientes, quadrantes, & quotlibet similes partes perpetuò æquantur; ergo & ipsa infinita spatia prædicta, licet finita magnitudine  $MA BF$  differre invicem videantur, exactè æqualia nihilominus erunt. Quod fuerat demonstrandū.

## SCHOLION.

**I** Mò, nedum infinite magnitudines æquales censendæ sunt, cùm finita quantitate semet excedunt, sed quandoque etiam si excessu absolutè infinito se invicem superent, possunt nihilominus æquales manere, cùm scilicet integræ magnitudines, quæ comparantur, non fuerint in eodem genere Infinitatis cum sua differentia, sed in ordine altiori, ut patere poterit ex aliis dicendis.

## PROPOSITIO XVIII.

**S** *Patia*  $VQMA$ ,  $AMFB$ , *ordinatis proportionalibus*  $VQ$ ,  $AM$ ,  $FB$  (sive *con-*  
sinnis, Fig. 2.

*tinuis, siue discretis) interiecta, sunt invicem æqualia.*

**E** Tenim proportionales erunt pariter distantia à centro  $QC$ ,  $MC$ ,  $FC$ , adedque eadem pars erit parallelogrammum  $VQMk$  ipsius  $VQCS$ , quæ  $FEAM$  ipsius  $MADC$ , nec non eadem pars triangulum  $PKV$  ipsius  $VSC$ , quæ  $GEA$  ipsius  $ACD$ ; sunt autem tum integra parallelogramma, tum integra triacula  $VSC$ ,  $ADC$  inter se æqualia *per* 12. 2. *Conic.* ergo & eorum portiones similes  $VQMk$ , &  $AEFM$ , nec non  $VKP$ , &  $AE G$  invicem sunt æquales: similiter ostenderetur, reliqua trilinea parabolica, quæ utrique segmento corresponderent facta utrobique descriptione, quam *prop.* 14. fieri imperavimus, esse pariter invicem æqualia, quippe eadem pars integrorum ejusdem nominis trilineorum, parallelogrammum  $VSCQ$ ,  $ACDM$  inscriptorum, quæ, non minùs ac ipsa parallelogramma, invicem æquantur; æqualis igitur semper erit infinita series exprimens juxta *propos.* 14. *ejusque corollaria valorem.*

seu quantitatem utriusvis segmenti hyperbolici  $VQMA$ ,  $AMFB$ , quæ propterea hac etiam methodo æqualia ostenduntur, non minùs quàm id geometricè factum fuerit, tum à Gregorio à S. Vinci aliisque, tum à nobis ipsis in *Hugenianis* cap. 6. n. 2. Quod erat &c.

### COROLLARIUM I.

**H**inc facile fuerit datum quodvis Hyperbolicum spatium in data ratione secare. Ad id præstationem, quam habet  $m$  ad 1, seu quodlibet inter extremas ordinatas datû spatium claudentes tot mediis proportionalibus, quot exprimit  $m - 1$ ; erit quippe ratio primæ ordinatarum ad primam mediarum assumptarum tam submultiplicata rationis extremarum ordinatarum, quàm multiplex fuerit  $m$  unitatis, adeoque prima ordinatarum cum prima mediarum intercipient hyperbolicum spatium  $= \frac{1}{m}$  totius propositi, ut ostendimus in *Hugenianis* cap. 6. n. 3.

CO-



## COROLLARIUM II.

U Ndè etiam constat, quomodo spatia eadem Hyperbolica sint velut Logarithmi rationis ordinarum, sive distantiarum à centro, ut idem Gregorius à S. Vincentio primus animadvertit, & ex iis, quæ de Hyperbolæ ad Logisticam, seu Logarithmicam relatione demonstravimus in *Hugenianis cap. 6. n. 4. & cap. 13. n. 8.* colligi potest.

## S C H O L I O N.

H Æc satis ad methodi, qua in hujus Quadraturæ demonstratione usus sum, illustrationem, & confirmationem allata arbitror. Nunc quia *sub finem Capitis 13. Hugenianorum* aliam mechanicè expeditissimam Hyperbolæ Quadraturam ex simplici Tractoria deductam proposuisse me memini, illius veritatem hoc loco demonstrare non incongruum fuerit, imò ad Argumenti, quod præ manibus habemus, complementum ita pertinere putaverim, ut

interfit plurimum, ne ceteras inter hac de re speculationes hæc minimè contemnenda desideretur. Præmittenda sunt autem sequentia.

## PROPOSITIO XIX.

Fig. 9.

**E**Sto Hyperbola  $AB$ , cujus centrum  $D$ , axis transversus  $MA$ , semiaxis secundus priori coniungatur  $DK$ : positaque in axe primario ipsa  $DE$  equali  $DK$ , per polum  $E$ , intervallo  $DA$  Conchois describatur Nicomedeæ  $AH$ , cujus regula  $DK$ , & ramus quilibet  $ECH$  regulam secet in  $C$ , unde primo axi parallela  $CB$  occurrat Hyperbolæ in  $B$ , ramo autem  $EH$  parallela ex centro  $D$   $I$  occurrat verticis tangenti  $AI$  in puncto  $I$ .

Dico ipsam  $DI$  esse æqualem  $CB$ .

**O**Rdinata enim  $BL$  erit ejus, vel equalis  $CD$ , quadratum ad rectangulum  $MLA$  ut rectum figuræ latus ad transversum (ex 21. 1. Conic.) sive ut secundæ semidiametri  $Dk$ , vel  $DE$  quadratum ad quadratum  $DA$ , ergo permutando  $DC$  quadratum

dratum ad quadratum  $DE$ , ut rectangulum  $MLA$  ad quadratum  $DA$ , & componendo, quadratum  $EC$  ad quadratum  $ED$ , ut quadratum  $LD$  ad quadratum  $DA$ ; sed, ob similitudinem triangulorum  $ECD$ ,  $DIA$ , ita est etiam quadratum  $DI$  ad idem quadratum  $DA$ , ergo  $DL$ , aut  $CB$  æquatur  $DI$ . Quod erat &c.

## PROPOSITIO XX.

**I** *Isdem positis ordinetur in Conchoide  $HG$  regulæ parallela, ipsam  $CB$  secans in  $P$ , &  $DI$  in  $F$ , jungaturque  $GB$ .*

*Dico hanc fore tangentem Hyperbolæ in puncto  $B$ .*

**R** Adio  $DA$  circulus  $AN$  describatur, qui transibit omnino per punctum  $F$ , cum sit, ob Conchoidem,  $CH$  æqualis  $DA$ , in parallelogrammo autem  $DCHF$  ipsi  $CH$  sit rursus æqualis  $DF$ , erit ergo  $ID$  ad  $DF$  (nempe  $LD$  ex prop. preced. ipsi æqualis ad  $DA$ ) ut  $DA$  ad  $DG$ ; quare rectangulum  $LDG$  æquabitur quadrato  $DA$ ,

DA, & per Coroll. prop. 37. i. Conic. linea BG erit tangens. Quod erat. &c.

### COROLLARIUM I.

Hinc omnis ordinata hyperbolę LB æqualis est portioni ordinatę Conchoidis FH, inter Conchoidem ipsam AH, & arcum AF inscripti quadrantis interiectę, modò hæc, producta ad axem in G, incidat in occursum tangentis BG cum eodem axe, quippe in parallelogrammo DCHF est HF æqualis DG, adeoque & ipsi BL.

### COROLLARIUM II.

Puncta autem P, quibus eadem Conchoidis ordinatę occurrunt axi parallelis BC, sunt ad curvam AP Hyperbolę Correlatam juxtà descriptionem datam in *Hugenianis cap. 8. n. 2.* cum sit BP æqualis subtangenti LG.

PRO-

## 91

# PROPOSITIO XXI.

**S**Tantibus præmissis: Dico, spatium Conchoi-  
dale  $FAH$ , arcu  $AF$ , curva  $AH$ , &  
ordinate portionem  $FH$  circumscriptum, duplum  
esse trilinei Hyperbolici  $GBA$ , per tangentem  
 $GB$ , curvam  $AB$ , & axis segmentum  $AG$   
determinati.

**C**um linea  $FH$  sit ubique æqualis  $BL$ , seu  
 $GP$ , erit spatium Conchoidale  $AFH$   
æquale portioni Correlatæ  $GPA$ ; sed ex  
dictis ad finem num. 2. Capitis 8. Hugenia-  
norum portio illa correlatæ dupla est tri-  
linei  $GBA$ , ergo & spatium  $AFH$  ejusdē  
trilinei est duplum. Quod erat &c.

# PROPOSITIO XXII.

**H**yperbolam simplicis ope Traëctoria qua-  
drare.

**S**it Hyperbolæ portio  $VAB$  quadranda,  
vel, quod eodem redit, trilineū  $GVA$ ,  
duabus tangentibus, & hyperbolæ curva  
 $VAB$  comprehensum sit in rectilineū  
spa-

spatium expedite commutandum. Conci-  
piantur omnia in horizontali plano jacere,  
& sumpto funiculo  $DA$ , pondere in ex-  
tremo  $A$  appposito, quod subiectum planum  
premat, alterum extremum  $D$  secus axem  
secundum  $DRd$  trahatur, quousque funis  
 $DA$  transierit in  $da$ , & pondus  $A$  trahentis  
directionem sequens fuerit perductum in  $a$ ,  
secans lineam  $GQ$  secundo axi parallelam  
in ipso puncto  $a$ ; Tunc enim rectangulum  
ex semiaxe secundo  $Dk$ , seu  $DE$  in  $Ga$   
æquabitur trilineo  $GVAB$ , quo propte-  
rea detracto ex triangulo  $VGB$ , innotescet  
Hyperbolicum spatium  $VAB$ .

*Demonstratio.* Funis  $DA$ , seu  $da$  semper  
est tangens curvæ tractoriæ  $Aa$  descriptæ à  
pondere ejus directionem ubivis sequente,  
igitur tum radius quadrantis  $DF$ , tum ra-  
mus Conchoidis  $EH$ , erit ubique parallelus  
tangenti  $ad$  tractoriæ [ lineæ enim æqua-  
les, inter easdem parallelas ad easdem par-  
tes inclinatæ, sunt pariter parallelæ ] ita-  
que tum figuræ  $RDAa$  est correlatus qua-  
drans  $DAFN$ , tum ipsi  $OEA$  (ducta  $EO$   
axi secundo parallela, extensisque  $aR$ ,  $a$ ,  
quo-

quousque ipsam secant in O, T) correlatum est segmentum Conchoidale E A H; itaque *per Cap. 8. n. 3. Hugenianorum* erit portio O E A *a* æqualis segmento A G H, & portio R D A *a* æqualis ipsi A G F; reliquū igitur rectangulum O E D R, quod sub E D æquali semiaxi secundo, & sub D R, vel G *a* continetur, æquabitur trilineo A F H; sed hoc *per præcedentem* duplum est trilinei A G B, idest æquatur trilineo V A B G, ergo & dictum rectangulum huic ipsi Trilineo Hyperbolico æquale erit. Quod fuerat demonstrandum.

## COROLLARIUM.

**H**Inc manifestum est, ipsas G *a* Tractorię axi parallelas proportionari trilineis Conchoidalibus A F H, & Hyperbolicis G A B sibi correspondentibus.

## SCHOLIUM.

**O**bvium esset eandem methodum aliis Conchoidum generibus ad aliarum  
Cor-

Correlatarum figurarum dimensionem extendere simili ratiocinio, sed cum verear, ne ultra fines mihi constitutos hic Tractatus excurrat, id Lectoribus meis pro nunc exequendum relinquam, quin & aliis curis implicitus complura alia ad Circuli, & Hyperbole Tetragonismum pertinentia consultò omittam, proposita titulo satis superque satisfecisse me ratus; quare hinc esto nostræ *De Quadratura Circuli, & Hyperbole* Differtationis

**F I N I S.**



AP.



# APPENDIX

*De methodo, Curvas innumeras, præsentium  
Parabolas, & Hyperbolas dimetiendi, &  
rectificandi, nec non Generali earum-  
dem expressione analytica per  
Seriem Infinitam.*



Micorum votis morem ge-  
rens hanc etiam qualem-  
cumque Meditatiunculâ  
adjungo, licet ab Argu-  
mento hujus Libri tantif-  
per alienam, nisi in spe-  
culationum similitudine, ac demonstnan-  
di modo præcedentibus affini, connexio-  
nem nonnullam inquiras; Etsi autem quæ  
nunc dicenda erunt pridem indicaveram  
*in Epist. Geom. ad P. Thomam Cervam Hugenianis adnexa num. 17.* occasione rectifica-  
tionis Cycloidis, quam hac ipsa methodo  
exhibui, innuique id generatim circa in-  
nume-

numeras alias curvas institui posse, visum  
 tamen fuit specialiùs doctrinam illam ap-  
 plicare, & ad omnes Parabolas hìc ex-  
 tendere, ut faciliùs deinceps, tum hanc,  
 tum alias passim in nostris operibus  
 occurrentes methodos promovere,  
 ac particularibus exemplis illu-  
 strare Tyrones addiscant ad  
 Scientiæ hujus omnium  
 Nobilissimę, Jucun-  
 dissimęque incre-  
 mentum.



PROPOSITIO UNICA

97

Fig. 10.

**S**It curva quælibet  $ADB$ , rectis  $ICA$ ,  
 $BZ$  ad basim  $CB$  perpendicularibus in-  
 tercepta, & ex quibuslibet ejus punctis  $D$ , d  
 actis  $DEH$ , de  $b$  basi pariter normalibus, nec  
 non tangentibus  $FDG$ ,  $fdg$  inter extremas  
 perpendiculares terminatis, ponatur ubilibet  $EH$   
 æqualis  $FG$ ,  $eb$  æqualis  $fg$ , quodvisque per pun-  
 cta  $H$ ,  $b$  sic determinata transcat curva  $IHb$ .

Dico, spatium curva  $IHb$ , rectisque  $IC$ ,  
 $CB$ ,  $BZ$  comprehensum æquari rectangulo basis  
 $CB$  in curvam  $ADB$ : item, portionem quam-  
 libet  $IHEC$  æquari rectangulo ex eadem  $CB$   
 in correspondentem arcum  $AD$ .

**I**ntelligatur curvæ portio  $Dd$  indefinite  
 parva, ut cum tangentis suæ portiu-  
 cula  $Dd$  coincidere censerî possit, certè ut  
 ab æqualitate propiùs absint, quam pro  
 qualibet assignabili differentia; itaque, ob  
 parallelas proportionaliter secantes inter-  
 ceptas  $FG$ ,  $CB$ , erit illa ad hanc, ut  $Dd$   
 ad  $Ee$ , rectangulum igitur extremarum,  
 $HEe$  æquabitur rectangulo mediarum  $CB$

G

in  $Dd$ ;

in  $Dd$ ; Quod cùm ubilibet contingat, manifestum est, omnia rectangula, quæ per indefinitam sectionem basis  $CB$  adscribi possunt spatio  $bHI CB 8$  (cujusmodi unum est  $b e E 2$ ) quæque ab ipso differre possunt minori differentia qualibet data, prout puncta  $D, d$ , seu  $E, e$  in infinitum proximiora accepta fuerint, equalia esse rectangulo basis  $CB$  in omnes curvæ portiunculas  $Dd$ , atque adeò spatium, curva  $I H b$ , rectisque &c. ut proposuimus.

## COROLLARIUM I.

**S**I punctum  $A$  fuerit vertex curvæ, &  $AZ$  ejus tangens parallela, adeòque æqualis basi  $CB$ , utique &  $CI$  æquabitur  $CB$ , eritque  $ICB 4$  quadratum, quod ad spatium  $bHI CB 8$  erit, ut basis  $BC$  ad curvam  $ADB$ , rectangulumque  $ICER$  ad spatium correspondens  $HICE$  erit, ut  $CE$ , vel ordinata  $MD$ , ad arcum  $AD$ . Aliàs describatur quadratum ipsius  $CB$ , quod sit  $CB 4 I$ , & eadem sequentur.

CO-

## COROLLARIUM II.

99

**Q**Uoniam quadratum  $FG$  ad quadratum  $CB$  (vel  $HE$ , seu  $NC$  quadratum ad quadratum  $ER$  vel  $CI$ ) est ut quadratum  $FD$  ad quadratum  $DM$ , erit dividendo [posita  $a$   $C$  æquali  $CI$ ] rectangulum  $aNI$  ad quadratum  $CI$  [seu differentia quadratorum  $HE$ ,  $RE$  ad  $RE$  quadratum] ut quadratum subtangentis  $FM$  ad quadratum ordinatæ  $MD$ , quod, ut mox patebit, ad naturam curvæ  $IH^b$  in sequentibus expedite determinandâ aptissimè conducere potest.

## COROLLARIUM III.

**S**PECIATIM igitur si  $ADB$  fuerit Circuli quadrans erit spatium  $bHICB^8$  duplum ipsius, & portio quævis  $IHEC$  dupla sectoris correspondentis  $CDA$ , rectangula enim ex radio  $CB$  in curvam  $ADB$ , vel ejus arcum  $AD$ , quæ spatiis  $bHICB^8$ , &  $IHEC$  respectivè æquantur, dupla sunt ex Archimede, vel ex *Coroll. 1. nostra Prop.*

G ij

36 in

36. in *Vivianea Problemata* totius quadrantis, aut sectoris correspondentis.

#### COROLLARIUM IV.

**I**N hac eadem hypothefi patet, ordinatam  $EH$  equari interceptæ à centro, et tangente axis portioni  $CF$ , cùm fit enim  $FG$  ad  $CB$ , ut  $FD$  ad  $DM$ , seu ut  $FC$  ad  $CD$ , ob æqualitatem consequentium  $CB, CD$ , æqualia erunt & antecedentia  $FG, FC$ , ipsi autem  $FG$  æqualis est per constructionem  $EH$ . Quare &c.

#### COROLLARIUM V.

**N**Otari etiam potest, spatium  $bHICB$  & tunc provenire idem cum spatio figuræ quadrati correlatæ, de quo in *Hugenianis* cap. 8. num. 6. loqui sumus, nec ab illo differre, nisi varia linearum axi parallelarum applicatione, ibi scilicet à singulis peripheriæ punctis pendentium, hinc directè ad correspondentia basis puncta depressarum; nam & rectè *ae in figura loco cit.*

*cit. exhibita* æquantur distantis centri ab occurſu tangentis cum axe, ut hîc oſtenſæ ſunt  $EH$  æquales  $FC$ .

## COROLLARIUM VI.

**S**patium  $IHN$  duplum eſt correfpondentis Trilinei  $FDA$ , nam & rectangulum  $CEHN$  duplum eſt trianguli  $FDC$  parem baſim intra eaſdem parallelas habentis, & ſpatium  $IHEC$  duplum eſt, *per coroll. 3. ſectoris ADC*, unde & reſiduum  $IHN$  reliqui  $FDA$  pariter duplum.

## COROLLARIUM VII.

**I**Mò quęcunque eſſet curva  $ADB$ , ſi juxta *Coroll. 4.* alia curva  $IHk$  ita illi reſponderet, ut ſemper ordinata  $EH$  eſſet æqualis  $FC$  diſtantię puncti fixi  $C$  ab occurſu tangentis cum axe, tum Corollarium III. tum VI. locũ haberent, nam ductis ex indefinite proximo puncto  $d$  tangente  $df$ , & parallela ordinate  $deb$ , quoniam  $Ff$  differentia ipſarum  $FC$  interceptarum inter

G ii

pun-

punctum fixum C, & occursum tangentis, semper æqualis erit  $H^2$ , vel  $N^2$  differentiæ ordinatarum E H ipsis C F æqualium, rectangulum  $NH^2$  duplum erit trianguli æquæ alti FfD; quod cum ubique eveniat, palam est, spatium I H N duplum fore spatii FDA, sed & duplum rectangulum CE H N trianguli æqualem basim in eadem altitudine obtinentis CDF; itaque & spatium I H E C duplum erit spatii ADC.

### COROLLARIUM VIII.

**A**T si curva ADB [ positis iis quæ in propositione ] fuerit Parabola quadratica, erit I H b Hyperbola ordinaria, cujus transversum latus  $aI$ , rectum verò tertia proportionalis post  $aI$ , & parametrum ejusdem parabolæ, nam quia semper FM est dupla AM, atque ut AM ad MD, ita hæc ad parametrum, duplicando rationes, sumptoque multiplici primi antecedentis, & æquæ submultiplici secundi consequentis, erit FMq ad MDq. ( idest per Coroll. 2. rectangulum  $aNI$  ad quadratum



tum  $IC$ ) ut quadratum  $MD$ , vel  $NH$  ad quadratum semiparametri, & permutando rectangulū  $aNI$  ad quadratum  $NH$ , ut quadratum  $IC$  ad quadratum semiparametri, sive ut  $aI$  ad tertiam proportionalem post  $aI$ , & parametrum, quę est nota proprietas Hyperbolę prædictis lateribus descriptę per 21. *Conicorum*.

## COROLLARIUM IX.

**Q**Uòd si supponatur esse  $ADB$  parabola cubica, erit curva  $IHb$  Hyperboloides, cujus ordinatarum quartę potestates, seu biquadrata, proportionentur rectangulis  $aNI$ , nam tunc  $FM$  est tripla  $AM$ ; atque ut hæc ad  $MD$ , ita quadratum  $MD$  ad quadratum parametri, adeoque  $AM$  quadratum ad quadratum  $MD$ , ut biquadratū  $MD$  ad biquadratū parametri, &  $FM$  q. ad  $MD$  q. (seu  $aNI$  ad  $IC$  q.) ut biquadratum  $MD$  vel  $NH$  ad nonā partē biquadrati parametri; similiter, & convertendo ostendetur  $IC$  q. ad  $anI$ , ut nona pars biquadr. parametri ad biquadr.  $nb$ ; ex

ex quo igitur rectangula  $aNI$ ,  $anI$  proportionantur  $NH$ ,  $nb$  biquadratis.

## COROLLARIUM X.

**E**odem ratiocinio ostendetur, curvas  $I H b$  semper esse Hyperboloides aliorum graduum, quoties  $A D B$  sit aliqua ex aliis infinitis parabolis, cujus ordinarum potestates à quolibet exponente  $m$  denominatę proportionentur abscissarum potestatibus ab alio quolibet exponente  $n$  indicatis, erit enim semper  $AM$  ad  $MD$ , ut potestas  $\frac{m-n}{n}$  ipsius  $MD$  ad similem, parametri potestatem, adeoque  $AM$  quadratum ad quadratum  $MD$ , ut potestas  $\frac{2m-2n}{n}$  ipsius  $MD$  ad similem potestatem parametri, cümque  $FM$  sit semper  $\frac{m}{n}$  ipsius  $MA$ , erit  $FM$  quadratum ad quadratum  $MD$  (nempe rectangulum  $aNI$  ad quadratum  $IC$ ) ut potestas  $\frac{2m-2n}{n}$  ipsius  $MD$ ,

MD, vel NH, ad  $\frac{mm}{mm}$  similis potestatis parametri, adeoque ordinatarum NH potestates  $\frac{2m-2n}{n}$  ipsis rectangulis a NI proportionales simili ratione demonstrabuntur; quod est, curvam IHb esse aliquam ex infinitis Hyperboloidibus ad diametrum IC comparatis.

### COROLLARIUM XI.

**N**Otatu dignum est, Hyperboloides ejusmodi spatium absolute quadrabile, aliquando comprehendere, & tum Curvas Parabolicas iis respondentes esse absolute rectificabiles; certè in parabola cubica secundi ordinis, ubi  $m$  valet 3,  $n$  valet 2, unde  $\frac{2m-2n}{n}$  valet  $\frac{6-4}{2}$ , idest æquivallet unitati, rectangula a NI, seu differentiarum quadratorum HE, RE, erunt in ratione simplicium linearum NH, seu IR, ideoque curva IHb (concavitate versùs CB obversa) erit portio quædam Parabolæ quadraticæ, per ordinatam IC à vertice ob-

obtruncata, ex notissima hujus parabolæ natura.

## COROLLARIUM XII.

**P**Ariter ubi ordinarum Parabolæ ADB quintæ potestates corresponderent bipuadratis, seu quartis potestatibus abscissarum, valor exponentis ordinatæ ad Hyperboloidé NH esset  $\frac{10-8}{4}$ , idest  $\frac{1}{2}$ : quod

indicat rectangula aNI fore in subduplicata ratione ordinarum NH; quod genus Hyperbolæ jam ad mensuram vocavit Illustris Geometra Stephanus De Angelis altera parte sui De Infinitis Spiralibus Inversis, Infinitisque Hyperbolis Libelli *Schol. 3. Propositionis 3.* ostendens rectangulum NIRH esse ad spatium IHN, ut quadratum NA ad  $\frac{1}{5}$  quadrati NI,

cum  $\frac{1}{3}$  quadrati aI, & cum rectangulo

CIN (quod consonat dimensioni mox ex aliis principiis afferendæ *Schol. 1. exempl. 2.*)  
quare

quare & ejusmodi parabola rectificationem admittet.

### COROLLARIUM XIII.

**I** Mò generatim enunciari potest, quoties dupla differentia exponentium  $m, n$  metitur ipsum  $n$ , verbi causa per numerum  $p$ , semper curvam parabolicam  $A D B$  rectificari posse, erit enim  $\frac{2m - 2n}{n} = \frac{1}{p}$

adeòque rectangula  $a N I$  in ratione erunt tam submultiplicata ordinatarú  $N H$ , quàm submultiplex  $\frac{1}{p}$  unitatis, ipsæque ordina-

tæ proportionales erunt rectangulorum illorum potestatibus ab exponente  $p$  indicatis, unde singula membra potestatis ejusmodi rectangulorum ducta in axem curvæ  $N I$ , & divisa per numerum dimensionum ejusdem  $N I$  singulis membris prædictis competentem, exhibebunt notam quantitatem rectis dumtaxat lineis definitam, quæ ad spatium  $I H N$  datam prorsus rationem habebit; Id quod semper contingere patet, quùm

quàm  $m$  est numerus impar, &  $n$  par proximè minor, ut in duobus præcedentibus Corollariis.

## SCHOLION I.

**R**es clarior fiet exemplis analyticè expositis in hunc modum. Sit  $IC = a$ ,  $IN = x$ ,  $NH = y$ ; quoniam ergo  $2ax + xx$

proportionatur  $y^{\frac{1}{p}}$ , sumi poterit velut ipsi æqualis (si nempe hic multiplicari, aut dividi intelligatur per constantem aliquam quantitatem unitatis loco sumptam, ut dimensiones suppleat) unde & æquè elevan-

do utrumque terminum, erit  $\frac{2ax + xx}{y^{\frac{1}{p}}} = y$ , spatiique  $IHN$  elementum  $y dx =$

$\frac{2ax + xx}{y^{\frac{1}{p}}} dx$ , quæ est quantitas facile integrabilis, ductis singulis membris (loco differentialis  $dx$ ) in  $x$ , ac per exponentem ipsius  $x$  unoquoque diviso.

*Exemplum I.* In casu corollarii 11.  $p = 1$ , itaque  $y dx = 2ax dx + xx dx$ , cujus integra-

le

le  $a x x \dagger \frac{x^3}{3}$  æquabit valorem spatii I H N.

*Exemplum II.* In casu corollarii 12.  $p = 2$ , itaque  $y dx = 4 a a x x dx \dagger 4 a x^3 dx \dagger x^4 dx$ , cujus integrale est  $\frac{4 a a x^3}{3} \dagger a x^4 \dagger \frac{x^5}{5} =$  spatio I H N.

*Exemplum III.* Si exponentes parabolæ sint,  $m = 7$ ,  $n = 6$ ; erit  $\frac{2m-2n}{n} = \frac{1}{3}$ , unde  $p = 3$ ; itaque  $y dx = 6 a^3 x^3 dx \dagger 12 a a x^4 dx \dagger 6 a x^5 dx \dagger x^6 dx$ , cujus integrale  $= \frac{2 a^3 x^4}{2} \dagger \frac{12 a a x^5}{5} \dagger a x^6 \dagger \frac{x^7}{7} =$  spatio I H N.

Et sic in aliis pari progressu.

## SCHOLION II.

**E**odem ratiocinio infinitarum Hyperbolarum inter asymptotos positarum dimensionem reduces ad infinitas Hyperboloides iis, quas supra consideravimus, reciprocas, nempe quarum ordinatarum N H,  $a b$  potestates quælibet respondeant reciprocè

procè rectangulis  $anI$ ,  $aNI$ , quibus manifestum est asymptotos futuras rectas  $I4$ ,  $IN$ , observabisque exponentem potestatum in ordinatis ad has Hyperboloides prædictis rectangulis reciprocarum esse fractionem  $\frac{2m+2n}{n}$ , in qua scilicet duplum aggregatum

exponentium coordinatarum ad asymptotos hyperbolæ datæ denominatur per exponentem distantię ordinatæ à centro, ut simili calculo repetito constare posset, nisi jam pigeret antiqua vestigia iterum premere, nulla spe id Hyperboloidū genus aliquod saltem quadrandi nunc prælucente, ac laboris asperitatem alleviante.

### SCHOLION III.

**I**Taque consultius erit ad seriem infinitam Curvæ longitudinem revocare, eritque Curva quælibet (cujus axis  $= x$ , ordinata  $= y$ , subtangens  $= t$ ) æqualis integrali hujus seriei  $dx + \frac{y dy}{2t} - \frac{y^3 dy}{8t^3} + \frac{3y^5 dy}{48t^5}$  &c. continuandæ ut in *Hugenianis* pag. 127. quæ-



quæ quidem, determinata relatione curvæ naturam exprimente, sive ipsius  $x$  valore in terminis ab ipso  $y$  integrè affectis, integrari poterit. Exemplo sit Logarithmica, cujus subtangens eadē semper constans linea est, quæ pro unitate usurpata dabit integram seriem  $= x + \frac{yy}{4} - \frac{y^4}{32} + \frac{y^6}{96}$  &c. = longitudini Curvæ ipsis  $x$  &  $y$  correspondentis.

Quodd si infinitarum parabolæ parameter sit  $= 1$ , aut  $R$  quadrati spatii asymptotico in quavis ex infinitis hyperbolis inscripti similiter  $= 1$ , equatione curvæ naturæ exprimente  $y^m = x$  (ubi per  $m$  quemlibet numerum significo, positivum, aut negativum, integrum, fractumue, ut libuerit) subtangens erit perpetuò  $= m y^m$ ; itaque Parabolicæ, aut Hyperbolicæ cujuslibet Curvæ longitudo, sive integrale primæ seriei evadet  $= x$

$$\frac{\frac{-1}{m-2}}{1m-2 \cdot 2my} + \frac{\frac{+1}{3m-4}}{3m-4 \cdot 8m^3 y} + \frac{\frac{-3}{5m-6}}{5m-6 \cdot 48m^5 y} \text{ \&c.}$$

Vel

Vel etiam eadem infinitarum parabolarum, & hyperbolarum longitudo, ut dudum præstitimus, reducetur commodè ad-

$$\begin{array}{r} \text{sequentem seriem } y \quad \frac{+ m^2 y^{2m} - 1}{2 \cdot \overline{2m-1}} \\ \\ \frac{- m^4 y^{4m} - 3}{2 \cdot 4 \cdot \overline{4m-3}} \quad \frac{+ 3 m^6 y^{6m} - 5}{2 \cdot 4 \cdot 6 \cdot \overline{6m-5}} \\ \\ \frac{- 3 \cdot 5 m^8 y^{8m} - 7}{2 \cdot 4 \cdot 6 \cdot 8 \cdot \overline{8m-7}} \quad \frac{+ 3 \cdot 5 \cdot 7 m^{10} y^{10m} - 9}{2 \cdot 4 \cdot 6 \cdot 8 \cdot 10 \cdot \overline{10m-9}} \end{array}$$

&c. ubi puncta numeris inserta multiplicationem ex more significant; ita ut in Apolloniana Parabola, ubi  $m = 2$ , Curva sit  $y + \frac{2}{3} y^3 - \frac{2}{5} y^5 + \frac{4}{7} y^7 - \frac{10}{9} y^9 + \frac{28}{11} y^{11}$  &c.

unde progrediendo quantumvis acuratam Curvæ longitudinem determinare licebit, acceptis rectarum proportionalium  $y, y^3, y^5, y^7$  &c. partibus supra expressis per substitutionem valoris ipsius  $m$  ex generali serie deductis.

Quod quidem Theorema cùm superiori anno Egregio Juveni Gabrieli Manfredio ex more communicassem, Is & ad editionem

nem

nem me perhumaniter est cohortatus, & eleganti demonstratione dignatus est confirmare, doctissimaque animadversione, imò & nobiliorum Veritatum accessione illustrare, cujus Epistolæ fragmentum ad fidem iis, quæ dixi, conciliandam producere non verebor, singularem ejus mentis profunditatem, & in res meas humanitatem altero hoc specimine testaturus, quamquam utriusque vestigiis aliquot, ne illi, mihiq; crearent invidiam, consultò relictis.

## EX ALTERA EPISTOLA

V. CL. GABRIELIS MANFREDII

Ad Auctorem scripta Bonon. 8. Augusti

1702.

... Transeo nunc ad subtilissimū illud Theorema tuum, quod mihi summo honore cōmunicare dignatus fuisti. Ego syncerè fateor, & seriò hoc tibi maxima cum lætitia profiteor, quòd ex melioribus, & maxime utilibus totius Geometria adhuc inventis sit censendum--- Sanè Veritate ejus comperta, & Utilitate, quæ multa est,

H optimè

optimè perspecta, Tibi Uir Carissime, & Doctissime, omni officiorum debito devinctum me agnosco, quod me præ ceteris hoc distinctionis gradu digneris, quo aliquid mihi gloriosius contingere posse non credam, ut siquidem Theorematis hujus Nobilissimi, cum Laudes in omnium ore audivero (quod tunc accidet, cum Publico illud impertitus fueris, ut autem citò citius impertiaris enixè supplico) illos me præcessisse, & ejus Pondus ante ceteros agnovisse possim gloriari.

Tali autem ratiocinio Tuum hoc Inventum confirmo. Est aequatio  $y^m = x$ , unde  $my^{m-1} dy = dx$ , & curvæ elementum

$$dy \sqrt{1 + mmy^{2m-2}} \text{ est porro } \sqrt{1 + mmy^{2m-2}}$$

$$= x \frac{1 + mmy^{2m-2}}{2} = \frac{m^4 y^{4m-4}}{2 \cdot 4}$$

$$\frac{1 + 3m^6 y^{6m-6}}{2 \cdot 4 \cdot 6} = \frac{3 \cdot 5m^{8m-8}}{2 \cdot 4 \cdot 6 \cdot 8}$$

$$\frac{1 + 3 \cdot 5 \cdot 7 m^{10} y^{10m-10}}{2 \cdot 4 \cdot 6 \cdot 8 \cdot 10} \text{ \&c. (Sic Newtonus}$$

radices extrahit) quare ipsius Curvæ elementum

$$\begin{aligned}
& \text{tum erit series } dy \quad \frac{\dagger mmy^{2m-2}dy}{2} \\
& - \frac{m^4 y^{4m-4}dy}{2 \cdot 4} \quad \frac{\dagger 3m^6 y^{6m-6}dy}{2 \cdot 4 \cdot 6} \\
& - \frac{3 \cdot 5 m^8 y^{8m-8}dy}{2 \cdot 4 \cdot 6 \cdot 8} \quad \frac{\dagger 3 \cdot 5 \cdot 7 m^{10} y^{10m-10}dy}{2 \cdot 4 \cdot 6 \cdot 8 \cdot 10} \\
& \&c. \text{ cujus integrale, nempe } pja \text{ curva } y^m = x \\
& \text{longitudo, erit } y \frac{\dagger mmy^{2m-2}}{2 \cdot 2m-1} - \frac{m^4 y^{4m-3}}{2 \cdot 4 \cdot 4m-3} \\
& \quad \frac{\dagger 3m^6 y^{6m-5}}{2 \cdot 4 \cdot 6 \cdot 6m-5} - \frac{3 \cdot 5 m^{8m-7}}{2 \cdot 4 \cdot 6 \cdot 8 \cdot 8m-7} \\
& \quad \frac{\dagger 3 \cdot 5 \cdot 7 m^{10} y^{10m-9}}{2 \cdot 4 \cdot 6 \cdot 8 \cdot 10 \cdot 10m-9} \quad \&c.
\end{aligned}$$

Unde patet, ad hoc ut tua Analysis valeat, debere tantum quantitates  $mmy^{2m-2}$ , aut alias, quas earum loco debeas ex curvæ natura substituere, tales esse, ut omnes earum potestates in  $dy$  ductæ sint integrabiles. Debent igitur curvæ, in quibus utilis esse potest tua series, ferè esse ex iis, in quibus indeterminatarum alterutra  $x$  sola unam æquationis partem constituere potest, reliqua æquationis parte ex quotvis terminis interim composita, in quorum singulis altera indeterminata ad quamvis po-

testatem elevata inveniatur, vello insuper radicali signo, quod indeterminata ingrediatur, partem illam equationis implicante, nec vello insuper denominatore, quem indeterminata eadem ingrediatur, eandem equationis partem afficiente; Talis esset curva, cujus aequatio foret  $x = \frac{by^m + cy^n + y^p + ay^q}{f}$  &c.

exponentibus  $m, n, p$  &c. denotantibus quovis numeros positivos, vel negativos, integros, vel fractos, rationales, vel surdos &c. Quales quidem curvas omnes quadrabilia spatia continere repereram. Si enim curva alicujus aequatio talis sit, qualem modo exposui,  $x = \frac{by^m + cy^n}{f}$  &c. hic valor indeterminata  $x$

erit tantum per progressionem arithmeticam dividendus, cujus progressionis termini sint respectivè  $m, n, p, q$  &c. singuli unitate aucti, & talis ritè institutę divisionis quotiēs erit per  $y$  multiplicandus, eritque productum spatium, quod axe [axe siquidem super quo ipsa  $y$  assumuntur] curva, & ipsa  $x$  continetur &c.

Hand difficilius etiam invenies, omnes tales curvas, quas quadrabilia spatia continere con-

clusi-

clusimus, si super axem rotentur, super quo ipse & assumuntur, solida efficere faciliter ad cylindros ejusdem basis, & altitudinis reducibilia, &c.

Hactenus Vir Doctissimus, cujus elegans Generalium Quadraturarum Theorema sic vicissim libet analyticè ostendere. Quoniã

$$x = \frac{by^m + cy^n + y^p + ay^q \&c.}{f}$$

elementũ scilicet spatii, quod Acutissimus

$$\text{Juvenis cõsiderat,} = \frac{by^m dy + cy^n dy + y^p dy \&c.}{f}$$

cujus integrale, nempe ipsum spatium præ-

$$\text{dictum} = \frac{by^{m+1}}{m+1f} + \frac{cy^{n+1}}{n+1f} + \frac{y^{p+1}}{p+1f} + \frac{ay^{q+1}}{q+1f} \&c.$$

ut ipse pronunciavit, ejusque complemen-

tum æquabitur eidem seriei, singulis prius

terminis per suos exponentes  $m, n, p$  &c. du-

-ctis, nam elementũ tunc est  $ydx$ , at differen-

tiando primã equationẽ curvę constitutivã

$$\text{prodit } dx = \frac{mby^{m-1}dy + ncy^{n-1}dy + py^{p-1}dy \&c.}{f}$$

$$\text{quare } ydx = \frac{mby^m dy + ncy^n dy + py^p dy \&c.}{f}$$

$$\text{ejusq. integrale} = \frac{mby^{m+1}}{m+1f} + \frac{ncy^{n+1}}{n+1f} + \frac{py^{p+1}}{p+1f} \&c.$$

Quod attinet ad solida ab his spatiis, qua parte ad axem  $x$  spectant, revolutis progenita, animadvertendum est, rationem solidi ex cujusvis figuræ rotatione, resultantis ad cylindrum ejusdem basis, & altitudinis, eandem esse cum ratione summæ ex omnibus quadratis ordinarum figuræ genitricis ad summam ex totidem quadratis linearum ultimæ basi æqualium, ut methodo indivisibilium docemur; porro summa ex omnium ordinarum quadratis respectu axis  $x$  est  $\int yy dx$ , sive, pro  $dx$  substituto ejus valore supra invento, integrale fractionis  $\frac{mby^{m+1} dy + ncy^{n+1} dy \&c.}{f}$

hoc est series  $\frac{mby^{m+1}}{mf+2f} + \frac{ncy^{n+1}}{nf+2f} \&c.$  summa. verò ex totidem quadratis ipsi  $yy$  æqualibus est  $yyx$ , sive  $\frac{by^{m+1} + cy^{n+1} \&c.}{f}$  aded- que ad cylindros ejusdem basis, & altitudinis facile reducuntur hæc solida.

Hinc ex hac ratione solidorum auferendo rationem, supra expositam, spatii curvilinei solidum generantis ad rectangulum



$y^x$ , quo cylindrus producitur, prodit ratio distantiae ab axe centri gravitatis ejusdem spatii curvilinei ad semissem ordinatae  $y$ , per quam distat centrum gravitatis dicti rectanguli ab eodem axe.

Subtangens cujuslibet ex talibus curvis, in axe  $x$  determinata, semper erit  $=$   

$$\frac{mby^m + ncy^n}{f} \&c.$$
, ut constet substituto va-

lore ipsius  $dx$  in generali subtangentis expressione  $y \frac{dx}{dy}$ , subnormalis verò in eodem

axe accepta  $= \frac{f}{mby^{m-2} + ncy^{n-2}} \&c.$

quippe quæ cum subtangente contineat rectangulum  $= yy$ : eademque methodo infinitæ alię quæstiones, ejusmodi curvarum genus concernentes, facillimam determinationem suscipiunt, imò crepundia sunt hæc nobilissimę recentiorum analysi, cujus præstantiam vel ex hoc uno specimine satis intelligere possumus, ejusque [immensè quantum!] protensam utilitatem admirari; Nam de Infinitis Parabolis quot libros ab Acutissimis Geometris exaratos habemus? Jam illæ satis minimam, &c.

quantitatibus utcumque implicatos, elici possunt expressiones dictarum dimensionum ex una hac Clariss. Juvenis animadversione, quippe eo fine terminorum numerus in altera æquationis parte indeterminatus relinquitur, ut quot quis voluerit opportunè respondeant, ibique sistere, aut ultrà promoveri, ubi, & quousque opus fuerit, valeamus; Nec enim hæ series infinitæ semper sunt [quamquàm & tales esse nil vetat] sed plerumque semet determinat pro varia curvarum natura, ut dictum est, absolutamque spatiorum, & solidorum dimensionem renunciant.

#### SCHOLION IV.

**D**Enique monendus es, Mi Lector, quidquid in Propositione hac, & Corollariis eidem adnexis, illatum est circa rectificationem curvarum redactam ad spatii, per tangentium  $FG$  ordinationem provenientis, dimensionem, potuisse aliis modis obtineri, exempli causa ponendo ipsas  $EH$  æquales portionibus rectarum ad curvâ in  $D$  normalium, per duas  $AZ$ ,  $CB$  parallelas inter-

interceptis, nam & spatium hinc proveniens  
 $8BCIH$  æquaretur rectangulo ipsius  $CA$   
 in curv. in  $ADB$ , & portio quævis  $HICE$   
 rectangulo ejusdem  $AC$  in correspon-  
 dentem arcum  $AD$ , nec differt demonstratio  
 ab ea, quam dedimus in Propositione.

Aut generaliùs, si fiat constans quælibet  
 linea, puta  $Ca$ , ad  $EH$ , ut ordinata  $MD$   
 ad tangentem  $DF$ , vel ut subnormalis  $MC$   
 ad normalem  $CD$ , vel in alia æquivalen-  
 ti ratione functionum curvæ ad punctum  
 —  $D$  spectantium, spatium hinc proveniens  
 erit semper æquale rectangulo illius assum-  
 ptæ constantis  $Ca$  in curvam  $ADB$ , &  
 portiones ejus = rectangulis ejusdem con-  
 stantis in arcum sibi competentem; nec enim  
 alia ratione jussimus in præced. assumi  $EH$   
 = tangentium, vel normalium partibus, inter  
 parallelas  $AC, BZ$ , aut  $CB, AZ$  interceptis,  
 nisi ut constans linea  $CB$ , vel  $CA$  esset ad  $EH$   
 in dicta ratione, idest ut elementum ordinatæ  
 $dO$ , vel  $eE$ , ad elementum curvæ  $Dd$ , unde  
 æqualitas rectangulorum infinite parvorum  
 proveniebat, redigens curvæ rectificationem  
 ad mensuram spatii ex ordinatis  $EH$  prove-  
 nientis

AD-

## ADDENDA, NOTANDA.

**I**N prop. 4. etiamsi  $I k$  non esset ipsis  $H L$ ,  $G K$  normalis, & etiamsi pro semicirculo supponeretur quævis alia figura  $I H k$ , & pro quadrante  $B I K$  substitueretur figura orta ex ramis  $I M$  proportionē mediis inter inclinatas  $I G$ , & interceptas  $I H$ , modò applicatæ  $G D$  ipsi  $I K$  parallelæ æquales etiamnum forent abscissis  $I L$ , esset spatium figuræ  $K M B I$  subduplū totius  $D Q I k G$ , & quævis portio  $M I T$  subdupla partis correspondentis  $D S V G$ ; Indefinitè enim secta  $G K$  in partes æquales minimæ  $G g$ , ductæque  $I m g$ , erit triangulū  $G I g$  ad simile circumscriptū spatio  $k M I$  (quod finge esse  $m I S$ ), ut  $g I$  ad tertiam prop-lem  $I b$ , sive ut  $K I$  ad  $I l$ , vel  $n g$  ad  $g d$ , aut ut paral-mum  $n g G$  ad  $d g G$  circumscriptū spatio  $D d S V G$ , & permutando, ut tri-lum  $G I g$  ad paral-mum  $n g G$  [idest semper in subdupla ratione] ita  $m I S$  ad  $d g G$ ; Quare &c.

Rotatis etiam  $NIKG$ ,  $DQIKG$  circa  $KG$ , erit cylindrus ad solidum, ut triangulum  $G I K$  ad spatium  $H F K I$ ; semper enim tri-lum  $G I g$  ad simile adiacens lateri  $I H$ , quod inscriberetur figuræ  $H F K I$  est ut quadratum  $G I$  ad quadratum  $H I$ , vel ut circulus progenitus ex radio  $NG$  ad cir-

ad circulum radio  $DG$ , five ut cylindrus ex paral-mo  $Ng$  ad cylindrum solido inscriptum ex paral-mo  $DGg$ , existentibus tam triangulis  $GIg$ , quàm cylindris  $Ng$  invicè æqualibus. Rem, si placet, ad Veterum normam exigitò, ego generaliore Veritatum harum fontem indicasse contentus, exhaustire non curo.

Itè Coroll. II. & III. ferè generatim verificantur, manet enim illorum rectangulorum  $DPK$ , &  $IK$  in  $HL$  æqualitas, & rotundi solidi circa asymptoton cum duplici annulo ex figura  $KHI$  circa ipsas  $NI$ ,  $KG$ .

Verùm longè majoris momenti est edita jam emendare, quàm ampliare. Nihil dico de innumeris præli vitiis orthographiam depravantibus, ut *philosophia*, *facisse*, *grevitatis*, *serieri*, & id genus aliis, quæ ut sensum non turbant, ita veniam facillè admittent, sed de sequentibus, in quibus permutatio, vel omissio litterarum Lectorum menti tenebras offundere potest, quæque idè ante lectionem corrigi cupio, ut pag. 24. lin. 2. habetur *duorum* pro *trium*; pag. 27. l. 13.  $PR$  pro  $PK$ ; pag. 28. l. 5.  $HL$  pro  $OP$ ; pag. 31. l. 5. & 7.  $LI$  pro  $LI$ , lin. 12.  $CG$  pro  $gG$ ; pag. 37. l. 18.  $MV$  pro  $MT$ ; p. 32. l. 12.  $a4K5b$  pro  $b4K5b$ ; p. 34. l. ult.  $BCA$  pro  $BOA$ ; pag. 58. l. ult.  $Cd$  pro  $CD$ ; pag. 59. l. 16.  $OPEADO$  pro  $OFEADO$ ; pag. 66. l. 14. *nostro* pro *noro*; pag. 69. l. 14.  $GF$  pro  $CF$ , & lin. penult.  $AE = a$  pro  $AE = 1$ ,  $CE = a$ ; pag. 74. l. 9.  $DG :: CH$  pro  $DA :: EC$ ,  $AC$ , vel  $CH$ , & componendo, ac convertendo  $AD . DE :: CH$ ; pag. 78. lin. penult. *spatiolum* = pro *spatiolum elementare*  $GgbH$ , evadat hoc =; pag. 101 lin. 24.  $IHK$  pro  $IHb$ ; aliavè à me non animadverta.

DEO VERITAS GLORIA.





*Quis leget hac? min' tu istud ais? nemo*

*Hercule. nemo?*

*Vel duo, vel nemo: turpe, & misera-*  
*bile. Quare?*

**A. Persius Sat. 1.**




126  
NOS D. DAMASCENUS DE MUTIIS

*Abbas SS. Hippoliti, & Laurentii de  
Faventia, & totius Camaldu-  
lensis Ordinis Generalis.*

**C**UM opus inscriptum *Quadratura Cir-  
culi, & Hyperbola &c.* P. D. Guidonis  
Grandi in Pisano Atheneo Lectoris, & no-  
stræ Congregationis Monachi, aliquot ex  
eadem Congregatione S. Th. Magistri, qui-  
bus id commissum fuit, recognoverint, &  
in lucem edi posse probaverint, faculta-  
tem facimus, ut Typis mandetur, si iis,  
ad quos spectat, videbitur. Datum Faven-  
tiæ ex nostro Monast. SS. Hippol. & Laur.  
die 8. Aprilis 1703.


*D. Damascenus de Mutiis Abbas Gener. Camald.*

Loco  Sigilli.

*D. Marinus Fælix Ferrari Cancell.*

*Imprimatur.* Annibal de Lanfranchis  
Chicchuli Can. & Vic. Gener.

*Imprim.* Cancell. S. Off. Pisarum.
















005637571



MC



